

# SPONGIA

3

DELENDÆ PRÆFATIONI

PERPERAM ASSVTÆ

AD REPROBATIONEM

Novissimæ Apologiæ Hæreticæ

SAMVELIS MARESII

ADVERSUS

Pontificem Rom. & Jesuitas.

*Concinnata à R. C. L. V. Theologo.*



TVLLI LEVCORVM,  
Apud SIMONEM BELGRAND.  
M. DC. LV.

---

*Superiorum permissu.*



## AUCTOR LECTORI.

**L**EGISTIN', optime Lector, Præfationem, *nescio quo fine*, pessimo certè offensionum fructu, ad *Reprobationem Apologiae* hæreticæ malè nuper assutam? Non dubito, quin ex communi sapientium sensu eam censueris veste, & canis Præfatoris indignam. Sin autem fortè non legisti, tuum nihilominus ex eruditorum voce præjudicium capio. Quo autem certiùs pronunties; confusam (pro genio Auctoris) præfationem, binas tibi in partes dissecui: ut suis utramque responsionibus distinctam in varios paragraphos, tuæ æquitatis arbitrio sisterem.

Fallor equidem vehementer, si tuâ sententiâ absolvatur, qui eruditorum ubique sermonibus vapulat, Reus *gravioris imprudentiæ, inurbanitatis, ignorantia, vel malæ fidei*. *Imprudentiæ* quidem, quòd hæreticam *Apologiam adversus Pontificem Rom. & Jesuitas* scriptam reprobaturus, ipse velut causæ prævaricator suæ,

in primo operis aditu, non tantum duos Jesuitas (numquam ab iis laceffitus) infectetur; sed etiam, cum quo maximè facere in communi causa debuerat, *Authorem Apologiae pro tuenda Romani Pontificis auctoritate*, criminationibus oneret probrosissimis. *Inurbanitatis* verò, quod Religioso Theologo & Sacerdoti contumeliam impingat *gravis ignorantia*, *negligentia*, *imperitia*, *detractionis*, & probrorum ejusmodi, quæ vix rusticus homo bubulco alicui injiciat. Denique *ignorantia*, *vel malæ fidei*; quod quæcumque Præfator ille criminatur, eadem partim à gravissimis Theologis diu antè scripta nesciat; partim, si quæ noxæ affinia sunt, calumniosè confingat in *Apologia Authorem*.

Hujus ego (quo olim Magistro gloriior) simulque ipsius Præfatoris existimationi consulturus, hanc aptavi *Spongiam delendæ* (an deliniendæ?) acerbissimæ *Præfationi* idoneam. Interim salve, Lector optime, & hîc tantisper, dum partes contendunt, æquus arbiter sede.

5

P R Æ F A T I O N I S  
C O N T R A  
A V T H O R E M A P O L O G I Æ .

P A R S P R I M A .

Hunc igitur in modū orditur Præfator.

§. I.

„ Nec possum satis mirari, quo fine & fructu quidam  
„ Author recentis Apologiæ pro hac Constit. Aposto-  
„ lica, contra ejus obtrectatores, priori ejus parte op-  
„ timè functus ex sacra Scriptura ipsoque AVG. contra  
„ eosdem s. errores condemnatos: sub finem, quasi  
„ ad obstruendum quibusdam refugium ab hac Con-  
„ stitutione ad Authoritatem Doctrinæ August.  
„ conetur hanc nimium deprimere; imputando et  
„ multos errores, sed quatuor graviores.

E I D E M R E S P O N S I O .

P U N C T U M U N I C U M .

*Quo fine præcludatur effugium ab Authoritate  
Ecclesie ad Augustinianam.*

**N**Equè alii satis mirari possunt istam in  
Præfatore ( sic illum deinceps modestiæ  
& charitatis causâ vocabimus ) ignoratio-  
nem finis & fructus intenti ab Authore  
Apologiæ, dum studuit præferre Romanæ  
Sedis authoritatem etiam Augustinianæ.  
Enimverò cum Præfator ille in sua nescio qua  
*Bilance*, vel *JESV inter Doctores*, sibi arbitrium  
arrogarit. ( hinc recusatum, illinc temeritatis

Anno  
1648.  
die 7.  
Dec.

aliisque censuris à facultate Duacensis Theologiae notatum) totius Jansenianæ cum sana Doctrina controversiæ : quæ fiat, sine gravi ignorantia, ut ipse nesciat, id unum semper Jansenio studium, ejusque sequacibus fuisse, ut S. Augustini nomen decretis Ecclesiæ opponerent; ac perpetuò succlamarent, S. Augustinum per latus ille Baii, isti Jansenii jugulari; divinam ejus de Gratia & libero arbitrio doctrinam, quam Patres, quam Concilia, quam Romani consecraverunt Pontifices, proscribi & damnari?

Hic igitur est finis quem spectavit Author Apolog. magnum inde sperans fructum in asserenda Innocentiana Constitutione, si demonstraret Sedis Apostolicæ authoritatem unam semper fuisse, quæ à Christo promissam suo in terris Vicario infallibilitatem, quasi ex officio ipsa haberet; eamque, si luberet, suis Doctoribus eatenus communicaret, quatenus eorum scripta (ad præviæ lucernam discussionis exacta) sua particulatim approbatione firmaret. Quod eruditissimè probat Alphonsus Toftatus Episc. Abul. Defensor. 2. part. cap. 81. 82.

Toftat.  
To 14.

Ac proinde ut neque sedes Apostolica falli errareve potuit, sive in sanciendo Fidei morumque decretis, sive in scriptis Patrum quorumcumque approbandis; ita errare (ait Melchior Canus, Episc. Canariensis) in rebus obscuris, & quæ non erant eo tempore explicata

Lib. 7.  
de locis  
Theol.  
cap. 3.  
num. 7.

ac defuncta, aut Cypriano, aut Ambrosio, aut Augustino accidit.

Dicti hujus rationem altius repetens Alphonsus à Castro Minorita Reg. observ. magnus inter Polemicos Theologos, universè de hominibus quantumlibet Sanctis; & Ecclesiæ Doctoribus: *Quid obstat*, inquit, *ut eum qui falli potest, falsum fuisse dicamus?* At omnis homo ex peccato primorum parentum adco obtusum traxit ingenium, ut ad veram rerum notitiam minimè penetrare valeat; què sit ut sapè in discernenda fallatur. Nam inter incommoda, quæ in hac vita patimur (teste Augustino) est fallax judicium, &c.

Lib. 1.

advers.

Hares.

cap. 7.

Atque illud est, quod Author Apol. falsus est expertum fuisse B. Augustinum, si quando carebat certissimis Apostolicæ Sedis oraculis, eò adducens, quod B. Augustinus de se ipse scribit, lib. 4. de Trinit. in præmio: *cor suum* (utpotè humanum) *figmenta multa parere*; ex quibus tria dumtaxat adscribi Augustino voluit. Author. Apol. notam verò *erroris* (et si calumniatur Præfator) tanto Doctori ne semel quidem vel levioris tantum, nedum quater gravioris impegit.

Apolog.

pro Cōst.

Innocēt.

pag. 148.

Sed age, errasse Augustinum dixerit; an gravius peccarit quàm eruditissimus Theologus Melchior Canus, suprà citatus? An gravius, quàm invictus ille Ecclesiæ Athleta Franciscus Horantius ordinis Minorum, vir admodum doctus? Qui cùm interesset Concilio Tridentino insignem lucubrationem suam de locis

In. 1. 1. 1.

ad Ca-

rol.

Catholicis, unà cum Concilio absolvit, ut ipsemet testatur lib. 4. cap. 3. Ità igitur scribit : *in re maximè ardua erravit Cyprianus, at non multò post, ab Hieronymo, Augustino, &c. correctus est. Hieronymus etiam in quibusdam ballucinatus est, sed à posterioribus, immò sui sæculi hominibus, est notatus. Idem Augustino longè doctissimo corrigi.*

*Testat,  
To. 14.  
Defens.  
p. 2.*

Denique non graviùs peccasset Author Apolog. adscribens Augustino errores, quàm religiosissimæ eruditionis miraculum Alphonsus Tostatus Episcopus Abulensis, qui Defensorii part. 2. cap. 18. scribit : *Constat quòd Augustinus cùm scriberet, in multu erravit, & tamen quando ipse scribebat, ita putabat esse sicut scribebat, postea autem retractavit multa. Et verosimile est, quod non potuerit omnia retractare, in quibus erraverat.*

Maneat igitur, & meram esse calumniàm, quod Præfator tam confidenter, & toties sua Præfatione jactitat, de imputatis Augustino quatuor erroribus ab Authore Apologiæ ; neque hunc propterea ulla afficiendum contumeliâ fuisse, si post Theologos celeberrimos (partim citatos, partim citandos) Augustinum errasse aliquando dixisset : quod tamen non dixit.



## Prosequitur Præfator.

## §. 2.

„ Cùm nullus Catholicus opponat aut proponat, sed  
 „ componat, & supponat auctoritatem Doctrinæ Au-  
 „ gustinianæ in scabellum Sedis Apostolicæ : illaque  
 „ huic præ omnibus Patribus contra omnes hæreticos.  
 „ necessaria sit.

## RESPONSIO.

## PUNCTUM UNICUM.

*Jansenianos malè provocasse à Pontifice Romano  
 ad Augustinum; neque hunc necessarium  
 esse stabilienda Ecclesiæ firmitati.*

**I**llepido verborum lusu dupliciter Præfator  
 illudit veritati. Primum enim, compertum  
 est, plurimos Jansenianorum ( qui utique Ca-  
 tholicorum nomine gloriantur ) Ecclesiæ ora-  
 culis etiamnum componere, opponere ( aut  
 fortassis etiam anteponere ) Augustinum; ad  
 decretorum Apostolicorum vim infringendam  
 unâ ipsius auctoritate perperam abutentes.  
 Hanc ferè unam prætexere, dum nuperam  
 INNOCENTII X. Constitutionem vel apertè  
 criminantur, vel occultis saltem calumniis ar-  
 rodunt. Nihil suis in circulis frequentius occi-  
 nere; quàm Jansenium fidelissimum Augustini  
 interpretem numquam ab ejus sententia, per-  
 tinace 20. annorû lectione imbibita, abludere:  
 cæcutire Theologos qui Magistrum Magistro-  
 rum, principem Doctorum Theologiæ Au-  
 gustinum non agnoscât in Jansenio redivivum:

ac proinde non esse damnatas ab Sede Apostolica Jansenii opiniones, ne probrum illud refluat in B. Augustinum, ejusque Doctrinam, Ecclesię authoritate toties consecratam.

Deinde verò, quod Præfator illudit, doctrinam Augustinianam *in Scabellum Sedis Apostolica* ita subjectam, ut & ei necessaria sit, & concuti Sanctam Sedem necesse sit (quomodo explicatum in nupera præconiorum B. Aug disputatione viri magni obstupuerunt) si authoritas B. Augustini convellatur: id, inquam, eò spectare videtur, quasi illa Ecclesię stabilitas, ad omnes quorumcumque hostium machinas inconcussa, humano aliquo affirmari fulcro necesse habeat; cui tamen & *Petra* illa (Augustino Petrus Christi Vicarius) & Divina promissio, quibus indissolubiliter innititur, semper præsto, semper nullius subsidio hominis abundè sit. Adeò ut Thomas Valdensis nobilis Ecclesię Romanę defensor sapienter scripserit: *Anxius Augustinus de librorum suorum calumnatione hæretica, dicit illud Ecclesiastici: Odi omni laborem meum, quo ego laboravi sub sole.*

Quod profectò dici sine flagitio non potuit, nec scribi à Doctore Catholico, si doctrina Augustiniana præ omnibus contra omnes hæreticos fulciendę necessaria esset Ecclesię. Eodè spectat quod Præfator habet in suo *JESU inter Doctores*, de Augustino Ecclesię Assessore, & fuit censurâ notatum à Theologis Duacensibus; ad §. 7.

Prosc-

## Prosequitur Præfator.

## §. 3.

» Nec illi, aut ulli alii errores, doctrinæ sunt ipsius  
 » B. Augustini, sed nostri. pag. 149. *Ita ibi.*

## PUNCTUM I.

*Sintne in Augustino errores aliqui.*

## RESPONSIO.

**G**Ratulandum erit subtilissimo Præfatori, si quàm plausibiliter apud imperitos, tam apud eruditos verosimiliter docebit nullos in tam variis Augustini operibus errores inveniri.

Qui tamen si reperiantur, suo (citra ejus injuriam) adscribentur authori; modò non tam propriè errores doctrinæ dicantur (ut aliquid gratificemur adversario) quàm quædam humani cordis figmenta, non pro solido vero (ut Deum orabat Augustinus) *eructata*; sed, ad mentem Melchioris Cæsi, *in rebus obscuris, quæ non erant eo tempore explicata ac definita*, opinata.

*Lib. 4.  
de Trin.  
in Proæ-  
mio.*

*Lib. 7.  
de locis  
Theolog.  
cap. 3.*

Cui hæc non erunt satis, ad scrupulum omnem de Augustini erroribus evellendum, per me adeat licet Alphonsus Tostatum, Episcopum Abulensem, qui & interfuit Concilio Basileensi, & Spondano dicitur, *multiplici omnium scientiarum eruditione ad miraculum clarus*, & ipsi aliisque Scriptoribus novo-antiquis,

*Hic stupor est mundi, qui scibile discutit omne.*

Ab

Ab hoc tali Magistro discet quanta vi argumentorum pugnari adversus aliquam Augustini sententiam aliis non probatam Doctoribus possit, ac demum hanc conclusionem audiet, Præfatori non expectatam: ideo *injustum erat*

*Defens.*  
*p. 2. c. 85.*

*valde negare omnia illa, vel dicere quod non intelligamus illa, cum inducant oculis nostris veritatem manifestissimam etiamsi dissimulare velimus, & stare authoritati Augustini, DE QVO CONSTAT, QVOD POTUIT ERRARE, ET IN MVLTIS ERRAVIT, QVORVM QVÆDAM IPSE RETRACTAVIT, ALIA VERO NON POTUIT. Ita ille.*

Ad mentem prorsus B. Augustini, qui scripsit ad Marcellinum Epist. 7. sub initium: *Vos qui me multum diligitis, si talem me asseritis adversus eos quorum malitiâ, vel imperitiâ, vel intelligentiâ reprehendor, ut me nusquam Scriptorum meorum ERRASSE dicatis, frustra laboratis, non bonam causam suscepistis, facile in ea me ipso iudice superamini: quoniam non mihi placet, cum à carissimis meis alii esse existimor, qualis non sum.*

Prose-

## Prosequitur Præfator.

- „ Nam 1. *Angelos esse corporeos, imputatur ei ex gravi*  
 „ *ignorantia* *Retract. B. Aug. lib. 1. cap. 26. Quod dixi*  
 „ *spiritualiter summos Angelos vivere, infimos verò*  
 „ *animaliter: audaciùs dictum est de infimis.*

## RESPONSIO.

## PUNCTUM II.

*Senseritne Augustinus Angelos esse corporeos?*

**I** Stâ parùm æquâ censurâ tria Præfator imprudens prodidit, quæ difficulter purgabit, *infidelitatem, inconstantiam, ignorantiam*. Adeò, qui quod vult dicit, etiam quæ non vult audiet.

Primum, Augustini locum Adversario objectum quatenus illi favebat, mutilavit: sic igitur restituetur in integrum è lib. I. *Retract. cap. 26. ad quæst. 67. extrem. Quod dixi spiritualiter summos Angelos vivere, infimos verò animaliter: audaciùs dictum est de infimis, quàm ut possit vel Scripturis Sanctis, vel ipsis rebus ostendi: quia etsi forsitan potest, difficillimè potest.*

Censet igitur Augustinus etiam hîc forsitan posse seu Scripturis, seu rationibus aliis ostendi, quamvis difficillimè (neque enim aliter potest de rebus sensus nostros fugientibus judicari) Angelos inferiores esse corporeos, ut alibi sæpissimè scripserat.

Deinde, quæ Præfatoris inconstantia est hîc arguere gravis ignorantix, quod ipsemet variis in sua Anatomia locis vehementer insinuat?

*Tom. 2,* nuat? Primò, enim ad citatum è libro 1. *Retract.*  
*Anatom* locum, fatetur B. Augustinum (quasi dubium)  
*August.* libenter declinare ab illa opinione de Angelis  
*col. 129.* corporeis : Secundò, in *lib. 2. de Genes. ad liste-*  
*Ibidem* ram, col. 397. cum retulisset ex *cap. 17. Augustini*  
*col. 297.* quòd Dæmones *subtiliori sensus acumine, & cor-*  
*poribus subtilioribus vigent*, subdit idem *Anato-*  
*miz* Author; *QVÆ SVPPONVNT DÆMONES*  
*Ibid.* *ESSE CORPOREOS.* Tertiò, in *lib. B. August.*  
*col. 94.* *de Utilitate credendi*, fatetur Augustinum *proce-*  
*extre-* *dere ex opinione de corporibus immortalibus Angelo-*  
*ma.* *rum, quæ fuit ipsi valdè dubia.* Atqui dubitare,  
 propendere, supponere sententiam de Angelis  
 corporeis, vel aliam falsam, ut minimum in  
 re ipsa est figmentum, & semper in Dei cogni-  
 tione & Angelorum pro tali habitum fuit;  
 quod Authori Apologiæ abundè est, ne ullius,  
 nedum gravioris ignorantiz notâ figatur.

Postremò, quantæ ignorantiz est, emer-  
 tum Theologiæ Professore, qui quadraginta  
 annis (ut prædicat) sensum Augustini indaga-  
 rit; nescire, quid nominatissimi inter Schola-  
 sticos Theologi sentiant de mente B. Augustini  
 in hac celebri quæstione; *utrum Angeli sint cor-*  
*porci*, in qua nemo de sententia B. Aug. non  
 philosophatur?

E plurimis autem, qui asserunt cum Autho-  
 re Apolog. Augustinum sensisse Angelos esse  
 corporeos, decem in digitos digero, qui (con-  
 tra quàm criminatur in sua Respons. Præfator)  
 neque sunt Theologastri Juniores, & eorum  
 bonam

CONTRA AUTHOR. APOLOG. Pars I. 15  
bonam partem Scholæ PP. Societatis suis  
Majoribus adscribunt.

1. Petrus Lombardus Episcopus Parisiensis,  
Magister Sententiarum, & Theologorum  
Scholasticorum, in 2. Distinct. 8. dicit ita vi-  
deri Augustinum docuisse Angelos esse cor-  
porcos, ut propterea (iuncta etiam aliorum au-  
thoritate Patrum) non ausus sit quidquam in  
partem contrariam definire: quemadmodum  
Bañez & alii observarunt.

2. Alphonsus Toftatus Episcopus Abulen-  
sis, Bellarmino sanctitate & doctrina celeberrimus, in Matthæi cap. 25. scribit: *Augustinus  
asserit vel supponit daemones habere corpora unita,  
&c. quasi sint animalia. Sed ista non sunt vera.*  
Notet Præfator, quàm apertè & præcisè Au-  
gustino contradicat.

3. Ferdinandus Vellofilius Episcopus Lu-  
censis, in SS. Patribus & universa Theologia,  
quam publicè professus est, versatissimus, ac  
proinde à Philippo Rege Catholico ad Conci-  
lium Tridentinum missus: *Advertentiarum  
Theolog. Scholast. in 1. Tom. B. Augustini ad 3. qua-  
situm*, clarè significat eam fuisse mentem B. Au-  
gustini satis constantem, neque omnino re-  
tractatam.

4. Dominicus Bañez, celeberrimus, inter  
Dominicani ordinis Thomistas, commentator  
Angelici Doctoris, in 1. p. quæst. 51. art. 1.  
5. *Tertia conclusio*, docet ideò non videri esse  
errorem in fide, asserere corporeos Angelos,  
quod

quod Augustinus dicat sua esse dæmonibus corpora, &c. Etsi non possit jam affirmari sine temeritate. Ita ille.

5. Guilielmus Estius Doctor, & Primarius in Academia Duacena Professor Theologiæ, in lib. 2. sentent. Distinct. 8. §. 3. Ostendit ex 16. apertis locis Augustinum videri approbare sententiam de corporeis Angelis.

6. Gregorius de Valentia Societatis JESU, à Clemente VIII. Doctor Doctorum appellatus; Tom. 1. Disp. 4. quæst. 2. idem de Augustini sententia censet.

7. Ludovicus Molina ejusdem Societatis, quem appellat Laurent. Beyerlinck, *multiple rerum scientia præcellentem etiam doctissimos suæ ætatis*. l. p. quæst. 50. A. 1. *Negandum non est, ait, Augustinum, in ea (de Angelis corporeis) fuisse sententia; quam mox subdit non retractasse.*

8. Franciscus Suarez, Paulo V. Pont. Max. in quaternis literis Apostolicis Doctor eximius, Algarbiorum Antistiti *alter hujus ætatis Augustinus*, lib. 1. de Angel. cap. 6. probat allatis 12. claris testimoniis, Augustinum ita docuisse.

9. Dionysius Petavius, quem Bibliotheca Anti-janseniana meritò appellat; *Theologum Societatis JESU undecumque doctissimum*, Theologic. Dogmat. Tom. 3. lib. 1. cap. 2. asserit, allatis pluribus testimoniis, Augustinum assignasse Angelis multò præstantiora, purioraque corpora quàm dæmonibus.



10. Franciscus de Lugo ex eadem Societate, plurimis in locis Theologiam diu Professus, lib. 1. de Angelis Disp. 1. cap. 1. fatetur, & probat decem testimoniis, Augustinū tribuisse Angelis quædam corpora, nec retractasse.

Ecce quibus Theologis Præfator notam *gravis ignorantie* impegit; vel imprudens, quod magnam in Theologo arguit inscitiam; vel prudens, quod maximam impudentiam.

Ac nedicat, Augustinum suam istam sententiam retractasse; (quod Authori Apologiz satis esset ad probandum, aliquod pactum ab Augustino figmentum fuisse, ut falsitatis ita & emendationis capax) negant præcisè è citatis authoribus Ferdinandus Vellofilius, Ludovicus Molina, Franciscus Suarez, Petavius, Lugo, asserentes Augustinum ad quæst. 47. ex 83. in lib. 1. Retract. cap. 26. non retractare quod de Angelis dixerat, sed corrigere comparisonem quam fecerat de corporibus hominum resurgentium, dicens illis similia esse futura. Nam locus ille ex eodem capite Retractationum ad quæst. 67. citatus à Præfatore, à nemine istorum omnium citatur, in defensionem Augustini; quod nihil evincat.

## Prosequitur Præfator.

2. *Nefas esse Christianis occidere infideles, mortem intentantes.* Ex gravi negligentia colligendi sensum probabilem S. Augustini ex lib. 1. de Libero arbit. cap. 5. lib. de Mendacio cap. 19. & 20. epist. 154. Quod sit illicita occisio inuasoris vitæ propriæ, vel pudicitæ, ex sola libidine seu pravo affectu hujus vitæ, & pudicitæ corporalis, præ salute spiritali nostra & proximi: non autem quod sit illicita ex vero affectu justitiæ, & ordine charitatis.

## PUNCTUM III.

*An per Augustinum licita sit injusti inuasoris occisio?*

## RESPONSIO.

**A**N non meritò quærat quispiam illud ex Jobi cap. 38. *Quis est iste involvens sententias sermonibus imperitis?* Qui Augustini doctrinam assuevit (judice Sorbona) non tam explicare quàm involvere: claram casus apud Augustinum propositi Epist. 154. Definitionem rejicit ad alium spectantem aliò (in lib. de mendacio, quem librum Augustinus ipse vocat, *obscurum, anfractuosum, & omnino sibi molestum*) contra præcisam hinc Publicolæ interrogationem Epistol. 153, illinc Augustini, tunc demum Episcopi, responsionem. Hic enim alienas omnes Præfatoris limitationes dissipat, *negans planè fas ulli esse occidere inuasorem*; hac una dumtaxat exceptione (quasi firmante

*Retra. cap. ult.*

firmante universitatem præcedentis negationis) nisi forte sit miles, aut publica functione teneatur. Quod item spectat quod diu antè scripserat: Quo pacto istos defendam, qui interficiunt (vel hostem invadentem, vel insidiatorem faciarium, ut ibid. habet) non invenio.

Lib. 1. de  
Lib. arb.  
cap. 5.

Nullius autem nisi Præfatoris notanda est *gravi negligentia*, quod nimis in proprio sensu abundans consulere neglexit celebriores in hac materia Theologos circa Augustini sententiam, expressam breviter ab Authore Apologi de illicitâ occisione invasoris. Esse autem ad mentem B. Augustini, è plurimis id asserentibus Theologis, quinque modò sufficient.

I. Augustinus Triumphus, aliàs de Ancona, vir doctus admodum & Religiosus S. Augustini, qui floruit anno Christiano 1301. libro de potestate Ecclesiast. quæst. 52. art. 3. negat licere occidere invasorem injustum, pro tuenda propria vita, suamque sententiam maximè confirmat autoritate B. Augustini lib. 1. de Libero arbit. cap. 5. & Epistola 154. ad Publicolam, rejicitque ut alienam à mente B. Augustini explanationem Præfatoris de affectu inordinato hujus vitæ: rejicit etiam Tostatus in cap. 5. Matthæi quæst. 109. etsi Augustinum ipse aliò, quam Triumphus, trahat.

II. Dominicus Sotus è Dominicana familia, primis suæ ætatis Theologis annumerandus, qui etiam Tridentino interfuit, de Justit. & Juris, lib. 5. Art. 8. fatetur Augustinum sensisse

illicitam inuasoris necem. Vide Card. de Lugo hic Tom. 1. Disp. 10. sect. 6.

III. Ludovicus Molina, antea laudatus, de Justitia tract. 3. Disp. 13. docet, manifestè videri eam fuisse B. Augustini mentem.

IV. Subscribit Gabriel Vasquez Societatis JESU, (Basilio Pontio lib. 4. de Matrim. cap. 25. *Theologorum hujus ætatis facillè Princeps, qui sibi sit unus pro mille*) Tract. de Restitut. cap. 2. §. 1. dub. 6.

V. Denique, ne longior sim, Luthius Turrianus ejusdem Societatis, qui è 50. annis quibus Philosophiam & Theologiam maximo plausu docuit, totos triginta in prima Complutensis Collegii Cathedra exegit. Hic igitur de Justit. Disp. 27. dub. 1. ita asserit, Augustinum sensisse, illicitam esse inuasoris injusti necem pro tuenda propria vita, ut testimoniorum Augustini quas varii adferunt interpretationes, ipse solidè impugnet. Vide etiam Franciscum Amicum celebratum in Italix & Germanix Academiis, Theologiæ Professore, qui idem de Augustini mente censet Tom. 5. de Justit. disp. 36. sect. 8. Atque ita conclude inverecundam esse Præfatoris confidentiam, qui Theologiæ Doctores ejusmodi, *negligentia graviori accuset.*

## Prosequitur Præfator.

„ 3. Infantes etiam baptizatos, nisi Eucharistiam  
 „ percipiant, salvos esse non posse: Ex nimia imperitia,  
 „ quod B. Aug. more suo extendit hic sensum proprium  
 „ Sacrae communionis Corporis Christi, ad incorpo-  
 „ rationem Corporis mystici, id est, Ecclesiae, per Ba-  
 „ ptismum. ut observat ipse Corn. à Lapide in 6. Ioan-  
 „ nis, in oppositam falsò citatus.

## PUNCTUM IV.

*De Communione parvulis necessaria, quis  
 Augustini sensus?*

## RESPONSIO.

**Q**UOD hæretici quidam in Bellarminum ma-  
 stigem suum machinati sunt, id in Au-  
 thorem Apologiæ, nescio, qua cavillandi pe-  
 ritia, molitus est Præfator. Hic enim, perinde  
 ut illi, objectionem, relicta solutione pro as-  
 sertione Authoris seu arripiunt, sive criminan-  
 tur. Utrumque igitur expendamus, & objectio-  
 nem, & positam in Apologia solutionem.

Primum: objectionis vicem habet, quod  
 dictum est, magni nominis Authores ita ex-  
 phicare Augustinum variis locis, ut senserit  
 parvulis etiam baptizatis necessariam esse, ad  
 salutem consequendam, Eucharistia perceptionem  
 realem.

Quid in eo criminandum? An quia dictum  
 id variis locis asseri à B. Augustino? At citavit  
 Author Apol. de Prædestin. Sanctor. lib. 1. cap. 13.  
 Et maxime lib. 1. de Peccator. meritis & remissi.

cap. 20. circa med. ad ista verba Joannis 6: *Nisi manducaveritis carnem meam &c. non habebitis vitam in vobis.* subjicit: *Quid ultra quarimus* ..... *An verò quisquam etiam hoc dicere audebit, quod ad parvulos hac sententia non pertineat, possintq; sine participatione Corporis hujus & Sanguinis in se habere vitam, quia non ait: Qui non manducaverit, sicut de Baptismo, qui non renatus fuerit; sed ait, Si non manducaveritis, velut eos alloquens, qui audire & intelligere poterant, quòd utique non valent parvuli? Sed qui hoc dicit, non attendit, quia nisi omnes ista sententia teneat, ut sine Corpore & Sanguine filii hominis vitam habere non possint, frustra etiam atas major idcirco. Potest enim, si non voluntatem, sed verba loquentis attendas, eis solis videri dictum, quibus tum Dominus loquebatur. Possuntque addi alia loca allegata ab iis Authoribus, qui id adscribunt Augustino.*

Agmen ducet Cardinalis Hosius, Episcopus Varmienſis, in Concilio Tridentino Præses sapientissimus. Is certè ex commemorato 20. capite & 23. *De Peccatorum meritis & remiss.* affirmat Augustinum agere de Sacramentali Eucharistiæ manducatione propriè dicta & parvulis necessaria. In *confutatione Prologomenon Brentii lib. 3. de Authoritate sacre Scriptura.* Quod item dogma tribuit Chrysostomo, Cyrillo, Cypriano, & Hilario.

Atque illud est, quòd *Corn. à Lapide*, non immeritò huc adductus dicit: *Veteres* (jam citatos,

citatos, & alios Africanos ) *præceptum sumenda Eucharistia, ad parvulos & infantes extendisse, quibus proinde reipsa dabant Eucharistiam. Ut patet ex S. Cypriano Tract. de lapsis, & ex S. Augustino Epist. 23. ad Bonifacium.* Ita Cornelius.

Id etiam tribuunt Augustino tres alii Authores citati in apologia, Primus est *Joannes Maldonatus* Societatis JESU, qui vir Deus bone! cujus indefessam industriam in Theologis omnibus Græcis & Latinis evolvendis; Doctarum linguarum peritiam; Scripturæ, Sanctorumque Patrum scientiam; præstantissimum ingenium; eximiamque doctrinam, quam Gallia atque Europa universa suspiciat, omnes passim Scriptores deprædicant; unus inficeti oris Præfator, nimie imperitiæ accuset; quod in *Caput 6. Joannis* scribat, *Augustinum* docuisse necessariam esse parvulis Eucharistiæ perceptionem ad salutem.

Alter author ejusdem de Augustino sententiæ, & paris imperitiæ damnatus à Præfatore, est *Dionysius Petavius*, quem ob omnigenam scientiarum eruditionem, & SS. Patrum fere ad miraculum cognitionem ita suspexit Europa, ut duo potentissimi Reges pro eo certarent, Ludovicus XIII. & Philippus IV. hic pro obtinendo ad Hispaniæ lucem, ille pro retinendo ad perpetuandum Parisiensis Academiæ splendorem.

Tertius est *Joannes Adam* Theologus & concionator, ab erudita calami & linguæ fa-

cundia, & præclaris in controversia Jansenistica lucubrationibus per Gallias nominatus: is, in libro quem Gallicè inscribit: *Calvin défait par soy-même*, &c. agnoscit ejus sententiæ Augustinum, de necessaria parvulis Eucharistiæ perceptione,

His accedit Eximius ac R. P. Joannes Mantelius prior Leodiensis Eremitar. S. Augustini, qui lib. 2. de Venerab. Eucharistia, cap. 17. ait: illam sententiam, de necessaria parvulis Eucharistiæ sumptione, ita in Ecclesia Africana olim invaluisse, ut & *B. Augustinus S. Cypriani observantissimus illam tenuerit*. Paucisque interjectis sic concludit: *nec memini me legisse, qui id temporis Cypriano, aut Augustino hac in re adversati fuerint*. Ita modestus ille ac doctus Augustinianæ mentis interpres.

Nimirum audacior ex omnibus Præfator iste, non Hosii purpuram, non infulas, non Præsidis in Concilio Tridentino Majestatem, non eruditionem ejus eminentem; aliorumque Theologorum minimè vulgarium veritus, *nimia imperitia* iis omnibus tribuit, in eum sensum Augustini mentem accepisse.

Modestius sanè (ut peritiorè controversiam decuit) P. Franciscus Davenportus, in *Systemate Fidei* (quod opus approbarunt R. P. Petrus Marchant ordinis Minor. Commissarius generalis, postque alios multos, ipsemet R. P. Hauzeur) cap. 40. etsi doceat Augustinum negasse necessariam parvulis Eucharistiæ perce-



perceptionem, nullâ tamen censurâ notat eos qui contrariam opinionem adscribunt Augustino; imò suggerit qua ratione explicare possint S. Augustini duplicem sententiam.

Age verò quâ ipse cumque volet contumeliâ Magnos illos Theologos Præfator afficiat, non in eadem est navî Author Apologiæ; imò verò (& hoc alterum est quod solutionis instar habet) affirmatè dixit: *Se non magnopere pugnaturum, ut ejusmodi errorem damnatum in Tridentino, tanto adscribat Doctori.* Quâ igitur ratiocinandi peritiâ, ejus illum sententiæ complicem facit, à qua se recedere protestatus est? aut ejusdem imperitiæ Reos indiscriminatim omnes facit, sive istum negantem, sive alios contrâ affirmantes quidpiam de quadam Augustini opinione?

Jam verò si Author Apologiæ non potuit ex hoc capite argui imperitiæ (quippe qui negavit, Augustinum circa Communionem parvulorum, quidquam sive figmenti sive erroris opinatum esse) falsum est quod Præfator §. I. posuit. *B Augustino quatuor graviores errores fuisse ab Authore Apolog. imputatos.*

Apolog.  
pag. 149  
extrem.

Seff. 21.  
can. 4

Ab hoc tali Magistro discet quanta vi argumentorum pugnari adversus aliquam Augustini sententiam aliis non probatam Doctoribus possit, ac demum hanc conclusionem audiet, Præfatori non expectatam: *ideo injustum erat* valde negare omnia illa, vel dicere quod non intelligamus illa, cum inducant oculis nostris veritatem manifestissimam etiamsi dissimulare velimus, & stare authoritati Augustini, *DE QVO CONSTAT, QVOD POTVIT ERRARE, ET IN MVLTIS ERRAVIT, QVORVM QVÆDAM IPSE RETRACTAVIT, ALIA VERO NON POTVIT.* Ita ille.

*Defens.*  
*p.2.c.85.*

Ad mentem prorsus B. Augustini, qui scripsit ad Marcellinum Epist. 7. sub initium: *Vos qui me multum diligitis, si talem me asseritis adversus eos quorum malitiâ, vel imperitiâ, vel intelligentiâ reprehendor, ut me nusquam Scriptorum meorum ERRASSE dicatis, frustra laboratis, non bonam causam suscepistis, facile in ea me ipso iudice superamini: quoniam non mihi placet, cum à carissimis meis talis esse existimor, qualis non sum.*

Profc-

## Prosequitur Præfator.

- „ Nam 1. Angelos esse corporeos, imputatur ei ex gravi  
 „ ignorantia Retract. B. Aug. lib. 1. cap. 26. Quod dixi  
 „ spiritualiter summos Angelos vivere, infimos verò  
 „ animaliter: audaciùs dictum est de infimis.

## RESPONSIO.

## PUNCTUM II.

*Senseritne Augustinus Angelos esse corporeos?*

**I** Stâ parùm æquâ censurâ tria Præfator imprudens prodidit, quæ difficulter purgabit, *infidelitatem, inconstantiam, ignorantiam*. Adeò, qui quod vult dicit, etiam quæ non vult audiet.

Primùm, Augustini locum Adversario objectum quatenus illi favebat, mutilavit: sic igitur restituetur in integrum è lib. 1. Retract. cap. 26. ad quæst. 67. extrem. *Quod dixi spiritualiter summos Angelos vivere, infimos verò animaliter: audaciùs dictum est de infimis, quam ut possit vel Scripturis Sanctis, vel ipsis rebus ostendi: quia etsi forsitan potest, difficillimè potest.*

Censet igitur Augustinus etiam hîc forsitan posse seu Scripturis, seu rationibus aliis ostendi, quamvis difficillimè (neque enim aliter potest de rebus sensus nostros fugientibus judicari) Angelos inferiores esse corporeos, ut alibi sæpissimè scripserat.

Deinde, quæ Præfatoris inconstantia est hic arguere gravis ignorantix, quod ipsemet variis in sua Anatomia locis vehementer insinuat?

*Tom. 2,* nuat? Primò, enim ad citatum è libro 1. *Retract.*  
*Anatom* locum, fatetur B. Augustinum (quasi dubium)  
*August.* libenter declinare ab illa opinione de Angelis  
*col. 129.* corporeis : Secundò, in *lib. 2. de Genes. ad litte-*

*Ibidem* ram, col. 397. cum retulisset ex *cap. 17. Augustini*  
*col. 297.* quòd Dæmones *subtiliori sensus acumine, & cor-*  
*poribus subtilioribus vigent,* subdit idem *Anato-*  
*miz Author;* *QVÆ SVPPONVNT DÆMONES*

*Ibid.* ESSE CORPOREOS. Tertiò, in *lib. B. August.*  
*col. 94.* *de Utilitate credendi,* fatetur Augustinum *proce-*  
*extre-* *dere ex opinione de corporibus immortalibus Angelo-*  
*ma.* *rum, qua fuit ipsi valdè dubia.* Atqui dubitare,  
 propendere, supponere sententiam de Angelis  
 corporeis, vel aliam falsam, ut minimum in  
 re ipsa est figmentum, & semper in Dei cogni-  
 tione & Angelorum pro tali habitum fuit;  
 quod Authori Apologiæ abundè est, ne ullius,  
 nedum gravioris ignorantiz notâ figatur.

Postremò, quantæ ignorantiz est, emeri-  
 tum Theologiæ Professore, qui quadraginta  
 annis ( ut prædicat ) sensum Augustini indaga-  
 rit; nescire, quid nominatissimi inter Schola-  
 sticos Theologi sentiant de mente B. Augustini  
 in hac celebri quæstione; *utrum Angeli sint cor-*  
*porei,* in qua nemo de sententia B. Aug. non  
 philosophatur?

E plurimis autem, qui asserunt cum Autho-  
 re Apolog. Augustinum sensisse Angelos esse  
 corporeos, decem in digitos digero, qui ( con-  
 tra quàm criminatur in sua Respons. Præfator )  
 neque sunt Theologastri Juniores, & eorum  
 bonam

bonam partem Scholæ PP. Societatis suis Majoribus adscribunt.

1. Petrus Lombardus Episcopus Parisiensis, Magister Sententiarum, & Theologorum Scholasticorum, in 2. Distinct. 8. dicit ita videri Augustinum docuisse Angelos esse corporeos, ut propterea (juncta etiam aliorum auctoritate Patrum) non ausus sit quidquam in partem contrariam definire: quemadmodum Bañez & alii observarunt.

2. Alphonsus Tostatus Episcopus Abulensis, Bellarmino sanctitate & doctrina celeberrimus, in Matthæi cap. 25. scribit: *Augustinus asserit vel supponit demones habere corpora unita, &c. quasi sint animalia. Sed ista non sunt vera.* Notet Præfator, quàm apertè & præcisè Augustino contradicat.

3. Ferdinandus Vellostillus Episcopus Lucensis, in SS. Patribus & universa Theologiâ, quam publicè professus est, versatissimus, ac proinde à Philippo Rege Catholico ad Concilium Tridentinum missus: *Advertentiarum Theolog. Scholast. in 1. Tom. B. Augustini ad 3. questum*, clarè significat eam fuisse mentem B. Augustini satis constantem, neque omnino retractatam.

4. Dominicus Bañez, celeberrimus, inter Dominicani ordinis Thomistas, commentator Angelici Doctoris, in 1. p. quest. 51. art. 1. §. *Tertia conclusio*, docet idè non videri esse errorem in fide, asserere corporeos Angelos, quod

quod Augustinus dicat sua esse dæmonibus corpora, &c. Etsi non possit jam affirmari sine temeritate. Ita ille.

5. Guilielmus Estius Doctor, & Primarius in Academia Duacena Professor Theologiæ, in lib. 2. sentent. Distinct. 8. §. 3. Ostendit ex 16. apertis locis Augustinum videri approbare sententiam de corporeis Angelis.

6. Gregorius de Valentia Societatis JESU, à Clemente VIII. Doctor Doctorum appellatus; Tom. 1. Disp. 4. quæst. 2. idem de Augustini sententia censet.

7. Ludovicus Molina ejusdem Societatis, quem appellat Laurent. Beyerlinck, *multiplicæ rerum scientia præcellentem etiam doctissimos sue ætatis*. l. p. quæst. 50. A. 1. *Negandum non est, ait, Augustinum, in ea (de Angelis corporeis) fuisse sententia; quam mox subdit non retractasse.*

8. Franciscus Suarez, Paulo V. Pont. Max. in quaternis literis Apostolicis *Doctor eximius, Algarbiorum Antistiti, alter hujus ætatis Augustinus*, lib. 1. de Angel. cap. 6. probat allatis 12. claris testimoniis, Augustinum ita docuisse.

9. Dionysius Petavius, quem Bibliotheca Anti-janseniana meritò appellat; *Theologum Societatis JESU undecumque doctissimum*, Theologic. Dogmat. Tom. 3. lib. 1. cap. 2. asserit, allatis pluribus testimoniis, Augustinum assignasse Angelis multò præstantiora, purioraque corpora quàm dæmonibus.

10. Franciscus de Lugo ex eadem Societate, plurimis in locis Theologiam diu Professus, lib. 1. de Angelis Disp. 1. cap. 1. fatetur, & probat decem testimoniis, Augustinū tribuisse Angelis quædam corpora, nec retractasse.

Ecce quibus Theologis Præfator notam *gravis ignorantie* impegit; vel imprudens, quod magnam in Theologo arguit incitiam; vel prudens, quod maximam impudentiam.

Ac nedicat, Augustinum suam istam sententiam retractasse; (quod Authori Apologiæ satis esset ad probandum, aliquod partum ab Augustino figmentum fuisse, ut falsitatis ita & emendationis capax) negant præcisè è citatis authoribus Ferdinandus Vellofillus, Ludovicus Molina, Franciscus Suarez, Petavius, Lugo, asserentes Augustinum ad quæst. 47. ex 83. in lib. 1. Retract. cap. 26. non retractare quod de Angelis dixerat, sed corrigere comparisonem quam fecerat de corporibus hominum resurgentium, dicens illis similia esse futura. Nam locus ille ex eodem capite Retractionum ad quæst. 67. citatus à Præfatore, à nemine istorum omnium citatur, in defensionem Augustini; quod nihil evincat.

## Prosequitur Præfator.

2. *Nefas esse Christianis occidere infideles, mortem intentantes.* Ex gravi negligentia colligendi sensum probabilem S. Augustini ex lib. 1. de Libero arbitr. cap. 3. lib. de Mendacio cap. 19. & 20. epist. 154. Quod sit illicita occisio invasoris vitæ propriæ, vel pudicitiae, ex sola libidine seu pravo affectu hujus vitæ, & pudicitiae corporalis, præ salute spiritali nostra & proximi: non autem quod sit illicita ex vero affectu justitiæ, & ordine charitatis.

## PUNCTUM III.

*An per Augustinum licita sit injusti invasoris occisio?*

## RESPONSIO.

**A**N non meritò quærat quispiam illud ex Jobi cap. 38. *Quis est iste involvens sententias sermonibus imperitis?* Qui Augustini doctrinam assuevit (judice Sorbona) non tam explicare quàm involvere: claram casus apud Augustinum propositi Epist. 154. Definitionem rejicit ad alium spectantem aliò (in lib. de mendacio, quem librum Augustinus ipse vocat, *obscurum, anfractuosum, & omnino sibi molestum*) contra præcisam hinc Publicolæ interrogationem Epistol. 153, illinc Augustini, tunc demum Episcopi, responsionem. Hic enim alienas omnes Præfatoris limitationes dissipat, *negans planè fas ulli esse occidere invasorem*; hac una dumtaxat exceptione (quasi firmante

2. Retra.  
cap. ult.



firmante universitatem præcedentis negationis ) nisi forte sit miles, aut publica functione teneatur. Quod item spectat quod diu antè scripserat: *Quo pacto istos defendam, qui interficiunt* (vel hostem invadentem, vel insidiatorem sicarium, ut ibid. habet) *non invenio.* Lib. 1. de  
Lib. arb.  
cap. 1.

Nullius autem nisi Præfatoris notanda est *gravis negligentia*, quòd nimis in proprio sensu abundans consulere neglexit celebriores in hac materia Theologos circa Augustini sententiam, expressam breviter ab Authore Apolog. de illicitâ occisione invaloris. Esse autem ad mentem B. Augustini, è plurimis id asserentibus Theologis, quinque modò sufficient.

I. Augustinus Triumphus, alias de Ancona, vir doctus admodum & Religiosus S. Augustini, qui floruit anno Christiano 1301. libro de potestate Ecclesiast. quæst. 52. art. 3. negat licere occidere invaluorem injustum, pro tuenda propria vita, suamque sententiam maximè confirmat autoritate B. Augustini lib. 1. de Libero arbit. cap. 5. & Epistola 154. ad Publicolam, rejicitque ut alienam à mente B. Augustini explicationem Præfatoris de affectu inordinato hujus vitæ: rejicit etiam Tostatus in cap. 5. Matthæi quæst. 109. etsi Augustinum ipse aliò, quàm Triumphus, trahat.

II. Dominicus Sotus è Dominicana familia, primis suæ ætatis Theologis annumerandus, qui etiam Tridentino interfuit, de Justit. & Jure, lib. 5. Art. 8. fatetur Augustinum sensisse

illicitam inuasoris necem. Vide Card. de Lugo hic Tom. I. Disp. 10. sect. 6.

III. Ludovicus Molina, antea laudatus, de Justitia tract. 3. Disp. 13. docet, manifestè videri eam fuisse B. Augustini mentem.

IV. Subscribit Gabriel Vasquez Societatis JESU. (Basilio Pontio lib. 4. de Matrim. cap. 25. *Theologorum hujus ætatis facillè Princeps, qui sibi sit unus pro mille*) Tract. de Restitut. cap. 2. §. 1. dub. 6.

V. Denique, ne longior sim, Luisius Turrrianus ejusdem Societatis, qui è 50. annis quibus Philosophiam & Theologiam maximo plausu docuit, totos triginta in prima Complutensis Collegii Cathedra exegit. Hic igitur de Justit. Disp. 27. dub. 1. ita asserit, Augustinum sensisse, illicitam esse inuasoris injusti necem pro tuenda propria vita, ut testimoniorum Augustini, quas varii adferunt interpretationes, ipse solidè impugnet. Vide etiam Franciscum Amicum celebratum in Italix & Germanix Academiis, Theologiæ Professore, qui idem de Augustini mente censet Tom. 5. de Justit. disp. 36. sect. 8. Atque ita conclude inveterandam esse Præfatoris confidentiam, qui Theologiæ Doctores ejusmodi, *negligentia graviori* accuset.

## Prosequitur Præfator.

„ 3. Infantes etiam baptizatos, nisi Eucharistiam  
 „ percipiant, salvos esse non posse: Ex nimia imperitia,  
 „ quod B. Aug. more suo extendit hic sensum proprium  
 „ Sacrae communionis Corporis Christi, ad incorpo-  
 „ rationem Corporis mystici, id est, Ecclesiae, per Ba-  
 „ ptismum. ut observat ipse Corn. à Lapide in 6. Ioan-  
 „ nis, in oppositum falso citatus.

## PUNCTUM IV.

De Communionem parvulis necessaria, quis  
 Augustini sensus?

## RESPONSIO.

**Q**UOD hæretici quidam in Bellarminum ma-  
 stigem suum machinati sunt, id in Au-  
 thorem Apologiæ, nescio, qua cavillandi pe-  
 ritia, molitus est Præfator. Hic enim, perinde  
 ut illi, objectionem, relicta solutione pro as-  
 sertione Authoris seu arripiunt, sive criminan-  
 tur. Utrumque igitur expendamus, & objectio-  
 nem, & positam in Apologia solutionem.

Primum: objectionis vicem habet, quod  
 dictum est, magni nominis Authores ita ex-  
 plicare Augustinum variis locis, ut senserit  
 parvulis etiam baptizatis necessariam esse, ad  
 salutem consequendam, Eucharistiæ perceptio-  
 nem realem.

Quid in eo criminandum? An quia dictum  
 id variis locis asseri à B. Augustino? At citavit  
 Author Apol. de Prædestin. Sanctior. lib. 1. cap. 13.  
 Et maxime lib. 1. de Peccator. meritis & remissi.

cap. 20. circa med. ad ista verba Joannis 6: *Nisi manducaveritis carnem meam &c. non habebitis vitam in vobis.* subjicit: *Quid ultra quarimus . . . . . An verò quisquam etiam hoc dicere audebit, quod ad parvulos hac sententia non pertineat, possintq; sine participatione Corporis hujus & Sanguinis in se habere vitam, quia non ait: Qui non manducaverit, sicut de Baptismo, qui non renatus fuerit; sed ait, Si non manducaveritis, velut eos alloquens, qui audire & intelligere poterant, quod utique non valent parvuli? Sed qui hoc dicit, non attendit, quia nisi omnes ista sententia teneat, ut sine Corpore & Sanguine filii hominis vitam habere non possint, frustra etiam atas major idcurat. Potest enim, si non voluntatem, sed verba loquentis attendas, eis solis videri dictum, quibus tum Dominus loquebatur. Possuntque addi alia loca allegata ab iis Authoribus, qui id adscribunt Augustino.*

Agmen ducet Cardinalis Hosius, Episcopus Varmienſis, in Concilio Tridentino Præses sapientissimus. Is certè ex commemorato 20. capite & 23. De Peccatorum meritis & remiss. affirmat Augustinum agere de Sacramentali Eucharistiæ manducatione propriè dicta & parvulis necessaria. In consuetatione Prologomenon Brentii lib. 3. de Authoritate sacre Scriptura. Quod item dogma tribuit Chrysostomo, Cyrillo, Cypriano, & Hilario.

Atque illud est, quòd Corn. à Lapide, non immeritò huc adductus dicit: *Veteres (jam citatos,*

citatos, & alios Africanos ) praeceptum sumenda Eucharistiae, ad parvulos & infantes extendisse, quibus proinde reipsa dabant Eucharistiam. Ut patet ex S. Cypriano Tract. de lapsis, & ex S. Augustino Epist. 23. ad Bonifacium. Ita Cornelius.

Id etiam tribuunt Augustino tres alii Authores citati in Apologia, Primus est Joannes Maldonatus Societatis JESU, qui vir Deus bone! cujus indefessam industriam in Theologis omnibus Graecis & Latinis evolvendis; Doctarum linguarum peritiam; Scripturæ, Sanctorumque Patrum scientiam; præstantissimum ingenium; eximiamque doctrinam, quam Gallia atque Europa universa suspiciat, omnes passim Scriptores deprædicant; unus inficeti oris Præfator, nimia imperitiæ accuset; quòd in Caput 6. Joannis scribat, Augustinum docuisse necessariam esse parvulis Eucharistiae perceptionem ad salutem.

Alter author ejusdem de Augustino sententiz, & paris imperitiæ damnatus à Præfatore, est Dionysius Petavius, quem ob omnigenam scientiarum eruditionem, & SS. Patrum fere ad miraculum cognitionem ira suspexit Europa, ut duo potentissimi Reges pro eo certarent, Ludovicus XIII. & Philippus IV. hic pro obtinendo ad Hispaniæ lucem, ille pro retinendo ad perpetuandum Parisiensis Academiæ splendorem.

Tertius est Joannes Adam Theologus & concionator, ab erudita calami & linguæ fa-

cundia, & prælaris in controversia Jansenistica lucubrationibus per Gallias nominatus: is, in libro quem Gallicè inscribit: *Calvin défait par soy-même*, &c. agnoscit ejus sententiæ Augustinum, de necessaria parvulis Eucharistiæ perceptione,

His accedit Eximius ac R. P. Joannes Mantelius prior Leodiensis Eremitar. S. Augustini, qui lib. 2. de Venerab. Eucharistia, cap. 17. ait: illam sententiam, de necessaria parvulis Eucharistiæ sumptione, ita in Ecclesia Africana olim invaluisse, ut & *B. Augustinus S. Cypriani observantissimus illam tenuerit*. Pancisque interjectis sic concludit: *nec memini me legisse, qui id temporis Cypriano, aut Augustino hac in re adversati fuerint*. Ita modestus ille ac doctus Augustinianæ mentis interpretes.

Nimirum audacior ex omnibus Præfator iste, non Hosii purpuram, non infulas, non Præsidis in Concilio Tridentino Majestatem, non eruditionem ejus eminentem; aliorumque Theologorum minimè vulgarium veritus, *nimia imperitia* iis omnibus tribuit, in eum sensum Augustini mentem accepisse.

Modestius sanè (ut peritiorè controversiam decuit) P. Franciscus Davenportus, in *Systemate Fidei* (quod opus approbarunt R. P. Petrus Marchant ordinis Minor. Commissarius generalis, postque alios multos, ipsemet R. P. Hauzeur) cap. 40. etsi doceat Augustinum negasse necessariam parvulis Eucharistiæ  
perce-

perceptionem, nullâ tamen censurâ notat eos qui contrariam opinionem adscribunt. Augustino; imò suggerit qua ratione explicare possint S. Augustini duplicem sententiam.

Age verò quâ ipse cumque volet contumeliâ Magnos illos Theologos Præfator afficiat, non in eadem est navî Author Apologiæ: imò verò (& hoc alterum est quod solutionis in-

star habet) affirmatè dixit: *Se non magnopere pugnaturum, ut ejusmodi errorem damnatum in Tridentino, tanto adscribat Doctori. Quâ igitur*

rationandi peritiâ, ejus illum sententiæ complicitem facit, à qua se recedere protestatus est? aut ejusdem imperitiæ Reos indiscriminatim omnes facit, sive istum negantem, sive alios contrâ affirmantes quidpiam de quadam Augustini opinione?

Jam verò si Author Apologiæ non potuit ex hoc capite argui imperitiæ (quippe qui negavit, Augustinum circa Communionem parvulorum, quidquam sive figmenti sive erroris opinatum esse) falsum est quod Præfator §. I. posuit. B *Augustino quatuor graviores errores fuisse ab Authore Apolog. imputatos.*

Apolog.  
pag. 149  
extrem.

Sess. 21.  
CAN. 4

Bv

Profsc-

## Prosequitur Præfator.

„ Alteram terra partem huic nostra oppositam, nullis  
 „ Antipodibus habitatam esse. Non est error Doctri-  
 „ næ, sed prudentissima B. Aug. conjectura ex quibus-  
 „ dam iudiciis S. Scripturæ, & experientia negativa,  
 „ eò usque.

## PUNCTUM V.

*Augustinus negat ullos esse Antipodas.*

## RESPONSIO.

**N**onne illud est Andabatarum more clavis oculis pugnare, & incertum hostem casso ictu appetere? Quis enim hic petitur Augustini adversarius? aut à cujus censoris nota defenditur? Nunquam Author Apologiæ, hanc de Antipodibus doctrinam S. Augustini, scripsit esse *Errorem doctrine*, quod unum hic Præfator. impugnat: sed neque ille admittet umquã ut dogma verosimile. Fatetur esse, veri nominis *figmentum*, & ita apud eruditos omnes censerì, ipsomet interprete Augustino, loco sæpius citato. Quorsum autè adscribere illi aut prudētis laudem, aut sequioris censuræ notam?

Nimirum hoc facere debuit Præfator, ne deservisse Augustini patrociniū videretur; male sibi arrogatum, cum nemo ullam Augustino litem intenderet; pessimè defensum, quippe qui hanc S. Doctoris sententiam, in §. 1. *gravioris erroris* nomine designarit; neque tamen hic ( etsi pugnancia eum in finem locutus ) ab erroris nota vindicare potuit: nisi cum se ridendū propinavit, adscribens errori prudentiæ laudem.

Qui



Qui tamen contra distinctionem Praefatoris  
dicere quidpiā vellet (salvā tamen debitā maxi- Duo  
Proble-  
mata.  
mo Doctori reverentiā) hæc duo velut pro-  
blemata pponeret: 1. An Augustinus negans

Antipodas fecerit errorem propriè dictum.  
2. An potius prudentissimam conjecturam.

Et primum quidem caput concludi hoc Syl-

logismo posset: Quisquis se existimat scire  
quod nescit, ille errat. Sed qui asserit non esse  
ulla ratione credendū quod existant Antipodes,  
ille se existimat scire quod nescit. Igitur errat.

Major (ut vocant) est ipsius B. Augustini,  
& citatur Decreti 1. part. dist. 38. Cap. XI.

*Non est consequens ut continuo erret quisquis aliquid  
nescit, sed quisquis se existimat scire quod nescit.*

*Pro vero quippe approbat falsum: quod est erro-  
ris proprium.* Ita August. Declarari posset &

cōfirmari ex S. Thoma in Q. de Malo q. 3. A. 3.

*Error est approbatio falsorum pro veris: unde appro-  
bare falsa pro veris, addit actum quendam super ig-  
norantia.* Potest esse ignorantia sine hoc, quod aliquis

*de ignotis sententiam ferat: & tunc ignorans est, &  
non errans.* Sed quando jam falsam sententiam fert

*de his quæ nescit, tunc propriè dicitur errare.*

Minor patet: quia ita se existimat scire non  
esse Antipodes, ut neque ipse dubitet, neque

alios ulla ratione dubitare velit; cū opposi-  
tum censeat esse falsum; (quod patebit cū

mētem B. Aug. circa Antipodas declarabimus)

& tamen quod ita scire se credit, nescit pro-  
fecto, non tantūm per simplicem negationem

scientiæ

scientiæ ( S. Thomæ ; nescientiam ) sed etiam per privationem & carentiam scientiæ, quæ ab eodem S. Thoma dicitur propriè ignorantia. Præsertim si potuit ea tempestate haberi cognitio certa Antipodum, de qua vide Joachimi. Vidianum in Mela.

Ad declarationem minoris, statuendum hîc quod dicit de Antipodibus B. August. lib. 16. de Civit. Dei cap. 9. init. *Quod verò & Antipodas esse Fabulantur, id est homines à contraria parte terræ, ubi sol oritur, quando occidit nobis, adversa pedibus nostris calcare vestigia.* NULLA RATIONE CRE-  
DENDVM EST. Ita Aug. qui etiam conatur persuadere, id fieri non posse, quòd illa terræ pars, huic nostræ opposita, tota sit aquis obruta. Alterum verò velut problema, vereor ne Præfator tueri non possit; An scilicet Anno Christi 408. qui negasset esse Antipodas, prudentissimam fecisset conjecturam?

E. quatuor partibus prudentiæ ( à qua actus aliquis denominatur prudens ) quas ponunt Ethici, duæ hîc desiderari videntur.

Prima est memoria, eaque præteritorum. Atque etiam diutissimè ante Annum Christi 408. exploratum erat, esse viam propè Antipodas Africæ; idque ex historiæ sacræ pluribus locis, ( contra quod dixit Præfator ) ex Interpretibus, & ex profanis historiis.

Primum, ex cap. 8. lib. 2. Paralippomenon, ubi dicitur, servos Hiram abiisse per mare in Ophir, & inde quadringenta quinquaginta talenta.

*auri attulisse ad Regem Salomonem. Est autem Ophir* (ut Josephus longè Augustino senior, & S. Hieronymus Epist. 140. testantur) *Aurea Chersonesus*, regnum *Peguanum*, *Malaca*, & *So-*  
*matra*, in India Orientali, unde cum auro *Obriso*  
 seu *Ophirso* dicuntur advecta *Ebur*, *sinia*, *pavi*,  
*ligna odorata*, &c. Et Maffæus, lib. 16. hist. Ind.  
 tradit, Pegusios stirpem suam referre ad exules  
 Judæos, olim damnatos à Salomone ad *auri-*  
*fodinas Ophir*, *Uc*

2. Para-  
 lip. c. 9.  
 v. 21.

Præterea, meminisse oportuerat ex Profa-  
 nis historijs, quosdam olim fugientes Augusti  
 Cæsaris potentiam, per Arabicum sinum,  
 perque imam Æthiopiam, & mare athlanticum  
 ad Gades Herculis enavigasse.

Denique Persicum sinum, & indicum co-  
 umque mare, Alexandri armis fuisse explora-  
 tum: insulasque *Trapobana* (ubi Ptolomæo  
 lib. 7. nascuntur Berylli, & Hyacinthi in SS.  
 Scripturis celebrati) & alias in illis tractibus  
 nonnullas, quæ ex positu cælorum & siderum  
 deprehendebantur jam tum Antipodes esse  
 Africa. Uthic notat Lud. Vives.

Aliam prudentiæ partem ponunt Ethici,  
*intelligentiam*, quâ & ea perspicimus quæ sunt,  
 & quidquid rei ex prudentia tractandæ defi-  
 niendæque conveniat; callemus. Qui vellet  
 contendere Augustini de Antipodibus senten-  
 tiam, etiam ex hoc capite, non fuisse pruden-  
 tissimam, diceret; ut prudentissimè definiatur  
 quidpiam non esse ulla ratione credendum, oportet  
 scientiis

scientiis illis instructum esse quæ in cognitionem certam istius rei deducant; ac proinde oportuisset in hoc casu B. Augustinum aliquid saltem ex ceruissimis demonstrationibus Mathematicorum, Astrologorum, Geometrarum delibasse. Nam istarum scientiarum præsidio Hispani ( ut notat Pererius Tom. & lib. 1. in Genes. ) superiore sæculo ad Antipodas nostros pervenerunt: paucisque abhinc mensibus R. P. Martin. Martinus Soc. JESU (vir ab editis libris, historiis, Tabulis geographicis nostrorū Antipodum celebratus ) fassus est se in ea habitasse civitate, quā R. P. Nicolaus Trigaultius ejusdem Societatis, Anno 1617. demonstrabat esse diametraliter oppositam civitati Duacensi.

Sed hæc hæctenus, quæ numquam de Augustino dicere voluisset Author Apol. ( neque ego nunc assero ) alienus semper ab omni nota censuræ, tanto Doctori vel tantillum injuriosæ: nisi Præfatoris explicationi refellendæ necessaria censuisset. Nam, *non mihi placet*, ait Augustinus, *cum à carissimis meis talis esse existimor, qualis non sum.* vide suprà. Videat porro Præfator, quæ ratione conciliare istæc pugnancia possit:

1. Negare dari Antipodas, esse unum è *gravioribus erroribus*: id dicit §. 1. Præfationis.
2. Esse errorem facti: quæ ridicula est limitatio, & contra B. Augustini, & S. Thomæ definitionem.
3. Et si sit error, esse tamen cum prudentissima conjectura conjunctum; cum prudentiæ pars necessaria sit *intelligentia*, ignorantia contraria.

Prose-

## Prosequitur Præfator.

§. 4.

Cætera quæ hac prima pagina Præfationis sequuntur ad ultimum paragraphum, quia longis verborum ambagibus, vix aliud efficiunt, nisi quas sibi ipsi laudes tribuit Præfator; ideo in tria contraham puncta.

## PUNCTUM I.

*Primo, Inducit Augustinum lib. 1. de Trinit. cap. 3. existimantem, tardiores ingenio opinaturos esse, aliud Augustinū sensisse, quàm reverà sensie.*

## RESPONSIO.

**I**B si vel ipsi Præfatori ( qui tantus sibi soli Theologus videtur ) usu venisse competimus in comprehendendo Apologiæ Authoris obvio sensu; quid mirum, si tenebrionum acies hebetior sit, quàm ut B. Augustini ( Doctorum Aquilæ ) sublimiorem sensum assequi valeat? Cujus notæ tãtò se Reum minus putat Author Apolog. quantò in explicanda S. Doctoris mente, celebriores ( ut vidimus ) totò orbe Theologos, clarioresquæ ( præ Anatomia Præfatoris ) Interpretes secutus fuit. Ut propterea ab eo sibi dictum Præfator putare possit, quod citavit ex cap. ult. de bono Persever. *Qui me errare existimant, etiam atque etiam quæ sunt dicta considerent, ne forsassis ipsi errent.* Quod Præfatorem hæcenus fecisse vehementer, non quid demonstratum est?

## PUNCTUM

## PUNCTUM II.

*Secundo, Vult Augustinum, idè ab aliorum censura  
& correctione immunem, quòd etiam vigesimo  
ætatis anno omnibus subtilitate  
explicandi excelleret.*

## RESPONSIO.

Injuriū est Augustinianæ authoritati  
(quæ certiore principio nititur) id pronun-  
tium. Primum, Quia ex hoc capite non  
esset magis à censura immunis, quàm Ori-  
genes, qui etiam ætatis anno 20, à Demetrio  
Alexandriæ Episcopo celeberrimæ Alexandri-  
norum Scholæ (ejus ætatis Theologica) post  
S. Pantænum, & Magnum Clementem Alex-  
andrinum Præfectus, omnibus ingenii admi-  
rabilitate excelluit. Quam tamen compara-  
tionem tantopere Præfator refugit.

*A. P. de-  
fensor.  
cap. 81.*

Deinde, absolutè non esset à censura & cor-  
rectione immunis, cum ingenii humani quan-  
tæcumque subtilitas non eximat ab errore, ne-  
que à fallaci judicio. Qua de re optimè To-  
status Abulensis Episc. Nullum, inquit, proprium  
humanum ingenium tanta est certitudinis, quòd er-  
rare non possit; nec tanta authoritatis, quòd ei ma-  
nifestissima ratione assentiri debeat, vel credi, quòd  
ita sit quia illud asserit: sicut dicit Augustinus, &  
habetur in Decret. dist. 9. C. Ego solis, &c. sed de  
quolibet creditur, quòd errare possit. Ita Tostatus.

## PUNCTUM III.

- o Tertiò, Laudat quandam comparisonem, quam de doctrina S. Augustini fecit in sua Præfator Anatomia; sibiq, honorificum magnos inter Theologos (præ iis, quos mox inter Bersamitas despiciet) locum arrogat.

## RESPONSIO.

Quam foeda est illa punitio Philistinorum à Præfatore eodem loco commemorata, hîc à me studio honestatis prætermissa; an non tam foetida est proprio laus in ore, velut Plauto nominatissimi multarum palmarû militis? Aut in magnorû confessu Theologorum, tantopere gloriandum de istius splendore Anatomix: in qua clarissimus veræ Theologiæ Sol Hipponensis Augustinus nullibi lucet obscurius?

Alius profectò sensus in Sorbonæ Schola, cum ab Authore Anatomix censuit obscurari magis quàm explicari Augustinum.

Alius Duacensis Universitatis, cum in censura opusculi inscripti, *JESVS inter Doctores*, dixit eundem Authorem, *Odisse lucem, obscuritatem affectare, &c.*

Nimirum, quibus debilior est videndi acies, ea plurimum hebescit (quandoque ad cæcitatem) ex viciniore aut frequentiore solis aspectu. Ut risum moveant, dum cæci censent de coloribus, aut vani Prophetæ, bruta (ut Præfator mox dabit) fulmina mittunt: id patebit ex sequenti paragrafo.

§. 5.

*Clarissimos Theologos Præfator comparat  
cum Betsamitis, & sacrilego Oza.*

**S**I quo die Præfator vita fungetur, eodem  
reviviscat Comicus latinus, haud dubiè  
usurpet, una mutata voce, dictum lepidissimum,  
quo Chremeti aliàs illudit:

*Exequias Theologiæ, quibus est commodam ire,  
jam tempus est.*

Adeò enim Præfator, jam olim de sua sibi  
plaudit Theologia Augustiniana, quasi ad ejus  
domesticum sinum redierit universa, *victrix ac  
triumphans*, à cæteris Theologis, tamquam alienis,  
vix eminus conspecta; nedum primo in limine  
salutata.

Id apertè significavit, claudens primam Præ-  
fationis faciem: in qua se veris (ut prædicat)  
Theologis, hoc est sibi consentientibus, trium-  
phantis more, admixtum, segregat ab iis quos  
supra laudavimus Theologis. Nam de illis  
contemptim loquens: *Soli*, inquit, *Betsamita*  
Arcam fœderis doctrinæ Augustinianæ, *nimis  
leviter à longè intuentes*, & *Oza* manum ei præ-  
sumptuosam, quasi ad aliquam correctionem admo-  
vens, in publico triumpho (sua forsitan disputa-  
tionis 26 Januarii) ultionem Divinam experiun-  
tur, an potius promiscuæ multitudinis cujus  
petulantia & libidine explodendos adversarios,  
etiam



etiam Thesibus suggererat impressis? Ita disertè Thesiz.

Eadem nota contumeliosæ comparationis cum sacrilego Oza confixerat dudum Pontificios pro *Bulla Urbani VIII.* Doctores. Quam injuriam facultas Theologorum Duacensium insigni censura redarguit, ad §. 10. libri inscripti, *JESVS inter Doctores.*

Et verò quis ferat ab obscuro Scriptore, sanè à non valdè claro conferri cum *Betsamitis* ignaris, & sacrilego Oza, clarissima Theologiæ lumina, Ecclesiæ Columina Alphonsum Tolstatum, Augustinum ab Ancona, Magistrum sententiarum, Cardinalem Hosium, Melchiorrem Canum, Dominicos Sotum & Bañez, Guilielmum Estium, Molinam, Valentiam, Suarez, Vasquez, Turrianum, aliosque tum superioribus paragraphis laudatos, tum, si luberet, in sententiam Authoris Apologiæ citandos.

Ne igitur deinceps dictus Præfator, suam ignorantibus ita venditet lucubrationem (verius bis coctam cramben) inscriptam *JESVS inter Doctores*; videtur mihi futurum operæ pretium, si hic ad calcem annectatur authenticum apographum ejus sententiæ, quam Universitas Duacensis tulit de ea, tunc nomine *Anonymi* edita, Anno 1648.

Divinè enim admonet B. Augustinus in *Epist. ad Marcel.* *Magis amat objurgator sanans, quàm adulator dissimulans.*

Judicium Universitatis Duacensis de  
quodam impresso R. P. N. cui titu-  
lum fecit : *JESVS inter Doctores.*

**N**O s infra-scripti rogati sententiam supra  
scripto quodam Anonymi, cui titulus  
*JESVS seu Veritas media inter Doctores*, an hic au-  
thor peccarit contra Bullam URBANI VIII.  
piæ memoriæ, quæ est confirmatio Constitu-  
tionum PII Papæ V. & GREGORII XIII. pro-  
hibentium quasdam Theologorum sententias.

Censemus omninò Anonymum hunc *malè*  
*agere*, quia *odit lucem*, se Anonymum venditans,  
in plerisque obscuritatem affectans, multa re-  
linquens suspensa & suspecta; cùm tamen in  
materia hac, quæ est de gratiâ Dei, & Libero  
arbitrio, qui peccat in uno, dici possit omnium  
reus; adeò inter se connexi sunt errores &  
consequentiz evidentiâ intelligentiam per-  
stringunt, ut ad falsitatem antecedentis minùs  
attendat Lector.

*Sequitur continua serie censura in 12. paragraphos.*  
*Deinde in ternas Difficultates, ut author vocat.*

*Tum addit :*

Temerarium omninò hac in re censemus  
Anonymum, qui relictâ viâ Regiâ, imò Ponti-  
ficiâ, semitam sectatur novam, quam vocans  
*mediam veritatem*, à veritate fatetur se desecte-  
re, quæ Christus est, ejusque Vicarius; proinde  
novum errorem obtrudere pro veritate,  
cujus

cujus via recta est unica, hanc JESUS docuit per os Sanctorum PII V. (non per os Anonymi illius) neque debet ullus Summum Pontificem è Cathedra, in qua cum Christo sedet, in ordinem cæterorum Doctorum, qui falli docendo possunt, redigere; cum sit ille Doctorum Doctor & Judex; multò minus sapuit Anonymus hic seipsum ac suum Judicium constituendo medium, seu à Bullà Pontificià aberrando in deterius, cujus proinde læsæ reus est, ac violati Juris Pontificum; quia se ultrò ac manifestè in eas opiniones implicat, pro eis loquitur, ac de iis quas ut hæreticas, erroneas, suspectas, temerarias, scandalosas, & in pias aures offensionem immittentes respectivè, ac quæcumque super iis verbo scriptoque emissæ præsentium auctoritate damnamus, inquit Pontifices Maximi citata Bulla, circumscribimus & abolemus, de quæ iisdem & similibus posthac quoquo modo loquendi, scribendi & disputandi facultatem interdiciamus; qui secus fecerint, &c. Ita actum Duaci 7. Decembris 1648. *Erat signatum.*

THEODORUS VAN COUVERDEN S. Theol. Doct. & Profess. ac pro tempore Decanus.

FRANCISCUS SYLVIVS S. Theol. Doctor & ejusdem Regiæ ac ordin. Professor.

VALENTINUS RANDOUR S. Theol. Doctor & ejusdem Regiæ ordinarijque Professor Duaci.

NICOLAUS LE LONG S. Theol. D.<sup>r</sup> & Profess.

*Deni-*

*Denique sic erat authenticatum.*

Hæc copia verbo ad verbum concordat cum suo originali per eximios Doctores facultatis Theologicæ Duacenz signato, quod ego Notarius Apostolicus, ac ejusdē facultatis Bedellus. *testor*

ANTONIUS DICULOT Not. Apost.  
& Facult. Theol. BEDELLUS.

SUMMA

## SUMMA DICTORUM

## PRIMA PARTE.

Habes, Lector optime, ex hac prima parte:

1. *Calumniam esse, quod Præfator scripsit, B. Augustino imputari 4. errores ab Apologia Auctore, cum ipse nescit quidem nomen erroris usurparit.*
2. *Alteram esse calumniam, quod dictus Præfator criminatur de 4. illis perperam B. Augustino imputatis ab Apologia Auctore; cum hic disertè dixerit, nolle se tanto Doctori tertium ex istis attribuere.*
3. *Non esse in Auctore Apologia gravem ignorantiam, negligentiam, imperitiam, ea dixisse de B. Augustino, & retulisse, quæ viri doctissimi, peritissimi, & ab omnibus eruditioribus Theologis tales iudicati, dixerunt, & in suis libris ediderunt.*
4. *Cavendam esse doctrinam Præfatoris, quem Universitas Duacena vocat Temetarium, qui relicta via regia, imò Pontificiâ, semitam sectatur novâ, &c. qui in plerisque obscuritatē affectat, multa relinquit suspensa & suspecta, &c.*

Est

Est autem Universitas Duacensis  
 illa, quam recentissimè INNOCENTIUS  
 Papa X. (dati litteris 21. Martii 1654.)  
 dicit, *Doctrina & pietate esse de re  
 Catholica optime meritam.*

Finis primæ partis.

PRÆFA.

## PRÆFATIONIS MALE-ASSUTÆ

AD REPROBATIONEM

APOLOGIÆ MARESIANÆ

PARS ALTERA.

Prosequitur Præfator.

§. I.

„ Sed si Author hujus Apologiæ possit excusari à  
 „ majori zelo hujus Constit. Apostolicæ, quàm scien-  
 „ tia doctrinæ August. qua fide & conscientia potest  
 „ abuti humilitate S. Aug. contra expressam ejus  
 „ mentem?

RESPONSIO.

PUNCTUM UNICUM.

*An abutatur humilitate B. Augustini, qui tribuit  
 ei quæ ipsemet de se dicit ex humilitate.*

**C**RESCIT progressu, ceu torrens, Præ-  
 fatoris maledicendi licentia. Vix, aut  
 ne vix quidem, concedendam putat Autho-  
 ri Apologiæ ullam (quam vehementior impe-  
 tus meretur) gravioris criminis excusationem;  
 ne quidem à zelo tuendæ Constitutionis Pon-  
 tificiæ majori, quàm scientiâ doctrinæ Augu-  
 stinianæ.

Amplius contendit, cum nempe & delibe-  
 ratâ, & ex certa criminis quod patrabat con-

D

scientiâ,

scientiâ, in malam partem abusam esse verbis illis, quæ ex humilitate B. Augustinus de se scripserat.

Itane verò mentis Augustinianæ Anatomista Præfator, *S. Augustinum* è Christianorû cœtu extrusum amandat ad Phariseorû dealbata sepulchra? Quid? sanctus ille Doctor ex Pharisaicis dolis confusus, aliud ore & scripto in speciem prompisset, ad sui contemptum exteriorem; & aliud quiddam excelsius clausum in animo sensisset? Atqui illud est sincera B. Augustini humilitate abuti, ad insignem superbiam ipsi impingendam, contra ejus & Christi Domini mentem: illud est plus quàm centum errores, materialesque hæreses sanctissimo doctore adscribere.

Sileat Præfator, ipse nobis edisserat Augustinus, in quo veræ humilitatis natura consistat, contra Pelagianorum errores. *Libro de Natur. & Grat. cap. 34. sub initium: Aut enim* (verba sunt Augustini) *acutissimè atque verissimè, in qua magis parte humilitas collocanda est: sine dubio falsitatis, si in ea qua veritatis probatur esse, superbia est. Ac per hoc placet illi, & rectè placet, in parte veritatis, non ut in parte falsitatis magis humilitas collocetur, &c. Et paucis interjectis: rectissimè placet hoc omninò verum non esse, si dixerimus quia peccatum non habemus, ne humilitas constituta in parte falsitatis, perdat premium veritatis.*

Ex hoc capite patet, quod necesse sit, illud esse aut existimari verum, quod asserimus dictum

Etum



CONTRA AUTHOR. APOLOG. Pars II. 43  
ctum fuisse ex humilitate, sive ab Augustino,  
sive ab alio.

In eundem sensum loquitur S. Doctor ibid.  
cap. 36. ubi asserit, excepta S. Virgine MARIA,  
omnes Sanctos & Sanctas, dum hic viverent,  
congregatim collectos & interrogatos, utrum  
essent sine peccato, &c. unanimi voce clama-  
turos, ex 1. Joannis cap. 1. *Si dixerimus, quia pec-  
catum non habemus, nos ipsos seducimus, (cetera  
quæ sequuntur, subticet Præfator in sua Ana-  
tomia ad hunc locum, nec quidquam etiam at-  
tingit, incertum quare, de humilitatis veritate,  
ex capite præced. 34.) & veritas in nobis non est.  
An illud humilius responderens fortasse, quàm veriùs?  
Sed huic jam placet, & rectè placet laudem humili-  
tatis, in parte non ponere falsitatis. Itaq, hoc si  
verum dicerent, haberent peccatum, quod humiliter  
faterentur, quia veritas in eis esset, &c.*

Igitur, si B. Augustinus ista (quæ Author  
Apolog. attulit) dixit & scripsit de se ex humi-  
litate, necesse est, dixisse ex veritate, & sic reip-  
sa se habuisse. Adeoque ex mente & verbis  
B. Augustini sic in proposito concludendum  
est, nulla ipsius injuria.

Itaque hoc (quod nimirum de figmentis hu-  
mani cordis dixit Augustinus, de quo mox)  
si verum dixit, habuit figmenta, quæ humiliter fa-  
tebatur, quia veritas in eo (sic fatente) erat.  
Ac propterea bona fide & conscientia, & ex  
mente B. Augustini locutus est Author Apo-  
logiæ, cùm eidem S. Doctori ea attribuit, quæ

de se ipse scripserat ex humilitate: abusus  
aliàs sincera humilitate B. August. ad contume-  
liam irrogandam, si ejus expressam mentem  
aliorum traxisset.

## Prosequitur Præfator.

### §. 2.

„ Ut pag. 148. 149. scribit Augustinus de se lib. 4. de  
„ Trinit. cap. 1. Cor suum utpote humanum, multa  
„ fragmenta parere, cujusmodi sunt, &c. Contra hunc  
„ expressum sensum: *Sentio quàm multa fragmenta*  
„ *pariat cor humanum: Et quid est cor meum, nisi*  
„ *humanum? Sed oro Deum cordis mei, ut nihil ex eis*  
„ *pro solido vero eruam.*

## RESPONSIO.

### PUNCTUM UNICUM.

*An ideo Augustino fragmentum nullum excidit, quòd  
Deum orarit, ne ulla pareret?*

**P**ugnât Præfator, Authorem Apologiæ  
fecisse contra expressum sensum Augusti-  
ni lib. 4. de Trinit. (non capite 1. sed) in proœ-  
mio, quando ea fragmenta ei attribuit, quæ sibi  
ipse ex humilitate adscripserat. Ut autem  
ostendat esse contra expressum B. Aug. sensum,  
ponit orationem ejusdem ad Deum, ne pariat  
fragmenta ulla.

Rem è tenebris evolvamus. Posuerat Au-  
gustinus duas (ut vocant) has præmissas.  
Majorem: *Sentio quàm multa fragmenta pariat cor*  
*humanum. Minorem: Et quid est cor meum,*  
*nisi*

CONTRA AUTHOR. APOLOG. Pars II. 45  
*nisi cor humanum? Conclusionem necessariam*  
Author Apolog. hanc collegit: *Sentio igitur*  
*quàm multa figmenta pariat cor meum.*

At quomodo id Augustinus sentit; hoc est,  
experiendo discit, si nulla ( ut vult Præfator )  
figmenta umquam parit? *Sed* ( ista est oratio  
Augustini ) *oro Deum cordis mei, ne nihil ex eis*  
*( figmentis ) pro solido vero eruam.*

Accipiat Præfator, *solidum verum* ( quod  
haud ineptè explicetur, pro veritatibus certò  
testatis ) quo volet modo: quæ deinde confe-  
cutio est?

Oravit Augustinus Deum, ne unquam in  
scribendo ( aut si placet, in loquendo ) labatur  
in aliquod figmentum humani cordis: ergo  
numquam lapsus est. Numquid etiam oravit  
Apostolus Paulus & sæpius, ut à stimulo car-  
nis liberaretur: an sequitur fuisse liberatum?  
Numquid oravit ipse Augustinus frequentissi-  
mè, ut *liberaretur à malo*; hoc est, peccato:  
An propterea numquam peccavit amplius?  
Attamen Deus longè faciliùs permittit produci  
ab homine quodpiam figmentum ( putà quod-  
dam improprie dictum intellectus peccatum )  
ad humiliationem, præsertim in viris ingenii  
excellentioris; quàm proprie dicta voluntatis  
peccata: in quæ tamen S. Augustinus ( more  
aliorum Justorum ) ex fragilitate humana labe-  
batur subinde, ita permittente Deo.

Nihil igitur peccavit Author Apologiæ  
contra expressum B. Augustini sensum, cum

scripsit eum ( quando carebat certissimis Ecclesie oraculis ) figmenta quædam humani cordis, peperisse.

### Prosequitur Præfator.

§. 3.

„ Pag. 154. ex lib. de Bono ( Author Apolog. ex sua  
 „ editione & Bellarm. posuit de Bono ) perseverant.  
 „ cap. 21. neminem velim sic amplecti omnia mea ut  
 „ me sequatur, nisi in quibus me non errare perspexit.  
 „ Nam propterea nunc facio libros in quibus opuscula  
 „ mea retractanda suscepi, &c. Quasi verò hæc tam  
 „ humilis submissio, & sui ipsius correctio, sit illius  
 „ reliqui erroris confessio: quin potius totius reliquæ  
 „ doctrinæ confirmatio; hac ipsa exceptione pauco-  
 „ rum, firmante regulam reliquorum.

### RESPONSIO.

#### PUNCTUM UNICUM.

*Præfator hic aberrat à scopo & Authoris Apologia,  
 & suo, & B. Augustini.*

**Q**Uàm loquendo tam concipiendo, tenebras rebus clarissimis Præfator offundit. Hinc neque Authorem Apologiæ, neque se neque B. Augustinum satis intelligit.

I. Primum attulerat Author Apolog. locum istum de Bono perseverantia, ut confirmaret, S. Augustinum numquam aut tam arroganter de se, aut tam projectè de Christi Vicario sensisse aliquando, ut suam ( hominis utique privati ) auctoritatem, cum indubitatis Summorum Pontificum sanctionibus conferri, nedum præferri fas esse judicaret.

Hoc

Apolog.  
 Append.  
 p. 2. §. 3.  
 pag. 154.

Hoc intentum Authoris Apologiz probat ista Augustini sententia, si integra ponatur, uti est in Apologia, & mox restituetur. Supponit etiam idem Author Apologiz, quæstionem facti, quòd S. Augustinus suam (uti necessariò debuit) auctoritatem infra Pontificum Romanorum definitiones constituerit; & ad eos recurrerit, tamquam ad Judices controversiarum &c. infallibiles, ex Christi promissione, & speciali commissione, de qua re consulendæ sunt Augustini Epistolæ &c. Quorsum igitur Præfator dictum Augustini locum adfert?

II. Alterum est: nimirum aliorum planè quàm vel Author Apolog. attulerit; vel ipsemet Præfator §. I. statuerit; vel Augustinus expressè intenderit. Habemus jam de scopo Authoris Apologiz. De proposito Præfatoris, repetendum ex §. I. II. partis Præfationis, ubi *vide*  
 vult demonstrare, *mala fide, malaq. conscientia* §. 2.  
*Authorem Apologia abuti humilitate S. Aug. contra expressam ejus mentem.* Eò enim refert tres paragraphos; præcedentem (qui est secundus) & hunc tertium, ac quartum sequentem: quod patet ex particula, *ut*, quam Præfator facit relativam ad verba postrema paragraphi primi, cum respectu ad 3. consequentes. Attamen hic istum Augustini locum (incertum quâ fide, pro certo contra mentem S. Doctoris) adducit Præfator ut probet, Beatum Augustinum retractatione quorundâ errorum, cætera sua dogmata confirmasse. Id tamen falsum esse

demonstratum est prima part. hujus Spongiæ  
§. 1. ex defensorio Tostati.

III. Tertium superest de mente B. Augustini, quæ manifesta erit, si integram ejus sententiam ex Apologia restituamus. Sic igitur habet. De Bono persever. cap. 21. *Neminem velim sic amplecti omnia mea, ut me sequatur, nisi in iis in quibus non errare perspexerit. Nam propterea nunc facio libros, in quibus opuscula mea retractanda suscepi (quæ sequuntur Præfator supprimit; quorsum? nimirum illius opprimebant calumniam) ut nec meipsum in omnibus secutum fuisse demonstrem; sed proficienter me existimo, Deo miserante, scripsisse, non tamen à perfectione cœpisse: quandoquidem interrogantiùs loquar, quàm veriùs, si vel nunc dici me ad perfectionem sine ullo ERRORE SCRIBENDI jam in ista ætate venisse.*

*Aug. de  
bono  
persever.  
cap. 21.*

Itaque ea est B. Augustini mens hoc loco, ut declaret: Primò, se nolle sua scripta tanquam irrefragabilia recipi, nisi in iis in quibus perspicitur non errare. Secundò, falsum esse, quod ipse vel in extrema ætate attigerit perfectionem scribendi (seu libros componendi) sine ullo errore.

Ex quibus manifestum est Præfatorem: Primùm, nihil habuisse, quod ex hoc loco meritò criminaretur de Authore Apologiæ. Deinde aberrasse à scopo sibi proposito. Postremò abusum esse sententia S. Augustini, contra ejus mentem, conceptis verbis expressam.

Prose-

## Prosequitur Præfator.

## §. 4.

„ Pag. 154. §. 4. *Augustinus* non est irrefragabilis  
 „ authoritatis. Ex libro 3. de Trinit. cap. 1. *Noli li-*  
 „ *teris meis, quasi Scripturis canonicis inservire.*  
 „ Quasi authoritas irrefragabilis sit æqualis canonicæ:  
 „ cum hæc sit divina, illa possit esse humana, sed  
 „ supra nos.

## RESPONSIO.

**S**I Author Apolog. concederet acceptam  
 ab se hoc loco *Authoritatem irrefragabilem*  
 pro illa quæ demum æqualis invenitur *infallibilis*,  
 & benè ad propositum respondisset, neque à  
 mente B. Augustini citati & citandi abususset,  
 neque propterea Authoritatem Augustinia-  
 nam quantum Præfator depressisset. Quod ex  
 sequentibus punctis patebit.

## PUNCTUM I.

*Debit Author Apologia in Authoritate irre-*  
*fragabili, hic agnoscere infallibilem,*

Si Apologiam, quam Præfator tam operose  
 impugnât, non oscitanter legisset; sine dubio  
 observasset, aliam *irrefragabilitatis* acceptionem  
 esse Jansenio (qui in Apologia impugnatur)  
 & sibi aliam Præfatori: qui propterea neque  
 hic criminari quidquam fortasse voluisset;  
 neque supervacuis (quarum res & Annus  
 sCanDaLVM) Disputationibus se ridendum

D v

propo-

proposuisset, *in facie Ecclesie Leodiensis*; contra quam scripto furtim edito jactat.

*Jansen.  
Tom. 2.  
lib. pro-  
œmiali  
cap. 13.*

Jansenius ergo eam B. Augustino *irrefragabilitatē* tribuit, quæ parē cum canonicis Scriptis pariat auctoritatem, & à qua recedere tantillum, sit nefas.

*ibid.*

*cap. 4.*

Ea de causa, libro proœmiali cap. 13. asserit: universam B. Augustini doctrinam, contra Pelagianos, de gratia Dei (de qua etiam hodie disceptant Catholici Doctores) tradi ab Augustino, *tanquam Doctrinam Evangelicam, & Apostolicam, cui nemo posset sine fidei Catholica latione refragari.*

Proximè sequenti capite prædicat eandem Doctrinam tanquam *Evangelicam, Apostolicam, Catholicam, celestis & irrefragabilis auctoritatis.* Vide etiam alium locum apud Stephanum des Champs, de *Hæresi Janseniana* lib. 3. cap. 4.

*August.  
lib. 3. de  
Trin. in  
Procem.*

Atqui ejusmodi irrefragabilitas, apud omnes Theologos, ipsumque Præfatorem, *est æqualis canonica, est divina & non humana*; est denique talis, quæ ne ipsi ab ullo charorum arrogaretur, edicebat Augustinus (quod maximè ad propositum attulit Author Apol.) *Noli meū litteris quasi Scripturis canonicis inservire.* Hæ enim, & non illæ, sunt *Evangelica, Apostolica, celestis & irrefragabilis auctoritatis, cui nemo possit sine fidei Catholica latione refragari.*



## PUNCTUM II.

• *An Augustinus aliam irrefragabilitatem, quàm  
Scriptorum canonicorum agnoverit?*

Ille probandi modus, quo Author Apologiz  
usus est, ut contra Jansenium ostenderet, Au-  
gustinum non esse *irrefragabilis auctoritatis*,  
perpetuò usitatus fuit B. Augustino: semper  
enim sic ratiocinatur: ideò sua vel aliorum  
Patrum (puta Cypriani, Hilarii, Chrysostomi,  
Ambrosii, &c.) Scripta, non esse *irrefragabilis*  
*auctoritatis*; hoc est (ut explicat Epist. 7. &  
48.) non esse ejusmodi *ut contra sentire non li-*  
*ceat*: quia non sunt è numero librorum cano-  
nicorum. Aliquot è multis loca proferam.

1.<sup>o</sup> De natura & gratia contra Pelagian.  
cap. 61. cùm dixisset de Adversario: *Ea te-*  
*stimonia qua non quidem de Scripturis canonicis, sed*  
*de quibusdam Catholicorum Opusculis .... etiam*  
*de libris meis interponere voluit, pertractare quid*  
*opus est? Maxime quoniam me in hujusmodi quo-*  
*rumlibet hominum scriptis liberum, QVIA SOLIS*  
*CANONICIS DEBEO SINE VLLA RECUSATIONE*  
*CONSENSVM.* Igitur ibi sola Scripta canonica  
sunt B. Augustino *irrefragabilis auctoritatis*.

2.<sup>o</sup> Epistola 48. ad Vincentium: *Noli ergo,*  
*frater, contra divina tam multa, tam clara, tam*  
*indubitata testimonia colligere velle calumnias ex*  
*Episcoporum Scriptis, sive nostrorum, sicut Hilarii,*  
*&c.* Primò, quia hoc genus litterarum ab *auctoritate*  
*canonica distinguendum est.* Non enim sic leguntur,

tam-

*tamquam ita ex eius testimonium proferatur, ut contrà sentire non liceat, sicubi forte aliter sapuerint, quàm veritas postulat.*

Istum B. Augustini locum adfert Franciscus Titelmannus Hassleletensis ( de Consider. Dialect. l. 5. c. 34. ) ex Franciscano Observante, majoris desiderio perfectionis, Capucinus doctrina & virtute celebris: ( vide Compend. Hist. Leod. ) & ex eo probat, dogmata Patrum quorumcumque non esse irrefragabilia, & in hoc opponi canonicis Scripturis; additque: *interdum licet illorum ( Patrum ) authoritati cum rationabili modestia refragari, interdum etiam corrigere errorem cum reverentia.* Subdit deinde locum ( quo à censura illi absolvantur, qui Augustini errores notarint ) libr. 4. de Anima & ejus origine capite primo initio: *Neque negare debeo, sicut in ipsis moribus, ita multa esse in tam multis opusculis meis, quæ possint justo iudicio, & nulla temeritate culpari. Ita B. Augustinus.*

*Epist. 19.* 3.<sup>a</sup> In Epistola ad Hieronymum, postquam illusionis periculum denuntiavit, si cum amico Doctore ita disputemus, ut quidquid dixerit necesse sit approbare, subjungit: *Ego enim fateor charitati tuæ, solis eius Scripturarum libris, qui jam Canonici appellantur, didici hunc timorem, honoremq, deferre, ut nullum eorum auctorem scribendo aliquid errasse firmissimè credam . . . . . Alios autem ita lego, ut quantalibet sanctitate, doctrinâq, præpollant; non ideo verum putem, quia ipsi*

*ipsi ita senserunt ; sed quia mihi vel per illos auctores, Canonicos, vel probabili ratione, quod à vero non abhorreat, persuadere potuerunt, &c.* Ubi ex toto contextu ( supra id quod intendimus ) videre licet primò : Quomodo, in aliis quàm Canonicis libris, censeat Augustinus dici posse Auctorem errasse, sine ulla cujusquam injuria. Secundò, quomodo putet auctorum non Canonicorum examinandam esse doctrinam, etiam ad Rationis trutinam contra Nou-Augustinianorum consilia, qui ne de absurda doctrina, quam spargunt, convincantur, sequacibus suis effodiunt rationis oculum. Tertiò, per illa verba quæ ad Hieronymum dirigit (*nec te, mi frater, sentire aliud existimo, &c. non te arbitror sic legi tuos libros velle tamquam Prophetarum, &c. Absit hoc à pia humilitate, & veraci de temetipso cogitatione.*) per illa, inquam, verba videre licet quàm alienum existimet à pia Doctoris Ecclesiastici humilitate, & veraci de seipso cogitatione, putare libros suos erroris omnis expertes esse.

Fuit igitur etiam ipsius B. Augustini & pia hæc humilitas, & verax de seipso cogitatio : ac proinde, qui de ipsius Scriptis aliter sentiunt, mendacem faciunt, quæ verax supponi debet ejus cogitatio.

4.<sup>o</sup> Libro undecimo contra Faustum, post *cap. 5.* quam de authoritate canonicarum Scripturarum similia dixit iis, quæ ad Hieronymum, subdit : *In opusculis autem posteriorum, quæ &c.*  
*sed*

*sed nullo modo illi sacratissima canonicarum Scripturarum excellentia coquantur, &c. Itaque in eis jē qua forte propterea dissonare putantur à vero, quia non ut dicta sunt intelliguntur, tamen liberum ibi habet lector, auditorq, judicium, quo vel approbet quod placuerit, vel improbet quod offenderit. Et ideo cuncta hujusmodi, nisi vel certa ratione, EX ILLA CANONICA AVTHORITATE DEFENDANTVR ..... SI CVI DISPLICVERIT, AVT CREDE-RE NOLVERIT NON REPREHENDITVR.*

Hic etiam Augustinus, ideò plenam dat ab aliis libris dissentienti (seu refragandi) facultatem, si cui videatur non esse verum quod dicunt; quia non sunt libri Canonici, soli apud ipsum irrefragabiles.

*cap. 8.* 5.<sup>o</sup> Libro 4. contra duas Epistolas Pelagian. ubi testimoniis SS. Cypriani & Ambrosii, hanc cautionem præmittit: *Non quo Canonicis libris à nobis ullius disputatoris æquetur authoritas, tamquam omnino non sit quod melius, seu verius ab aliquo Catholico quàm ab alio itidem Catholico sentiatur; sed ut admoneantur qui putant istos aliquid dicere, &c.*

Vides, ut constanter censeat, solis Canonicis libris nefas esse dissentire; quòd nihil eis melius, seu verius ab alio aliquo Scriptore sentiatur.

## PUNCTUM III.

*Observatiuncula ex doctrina præcedente B. Augustini,  
necessaria non Baianis magis quàm Præfatori.*

I. Ex loco B. August. proximè laudato colligit R. P. Franciscus Annatus Societ. JESU *contra Baianos lib. 3. c. 3*  
Theologus ( de Pontificia, Augustinianaque authoritate, à calumniis vindicata optimè meritus ) nullum esse Catholicum, quo non possit alius item Catholicus, aliqua in re melius sentire. Nempe quia nullus omnino est, qui falli non possit, quamcumque materiam ad disputandum sumpserit. Et quia minimè consequens est, ut si doctissimus quispiam in aliquo fallitur, ceteri omnes minùs docti eadem in re fallantur, quasi verò inemendabilis esset humanitus error doctissimi; cùm fieri possit, ut salva doctrinæ majoris prærogativâ, indoctus aliquid videat, quod fugit doctiorem: inde fit ut doctissimus quisque Catholicus emendari possit à minùs docto, plura quidem nesciente quæ doctori manifesta sunt; sed tamen & aliquid sciente, quod illum latet. Hæc magnus ille Theologus ex mente B. Augustini expressit: quæ prorsus affinia sunt iis quæ doctissimus Tostatus Episcopus Abulensis diu antè scripserat Defensorii 2. parte cap. 18. sub fin. *Tostat. Defens. 2. pars. c. 18.*  
§. *Sed nunc obijciunt*, &c. Ubi adducit celeberrimam illam similitudinem (ob quam immeritò vapulat apud quosdam Theologos Ludovicus Molina

Molina) de pusillo homine seu Nano, qui elatus in humeros Gigantis, longiùs quàm gigas ipse videt.

2. Ex testimoniis citatis B. Augustini liquiddò constat, nullum esse authorem non-Canonicum, qui legi non debeat cum ea præsumptione, quòd falli in aliquo possit: quod verum esse etiam respectu B. Augustini disertè scripserunt Tostatus multis locis, Melchior Canus, Alphonsus à Castro suprà laudati; item Joannes Viguerius, Dominicus Sotus, Dominicus Bañez, Bartholomæus Medina, Gabriel Pennotus, & alii multi, ut mox; ex eò ostendentes B. Augustinum non esse irrefragabilis authoritatis, ne quidem in sensu Præfatoris.

cap. 8. 3. Ut B. Augustinus suis & aliorum non-canonicorum Scriptorum lectoribus copiam liberam fecit discutiendi, an ejusmodi Scriptores fallantur; ita huic discussioni quatuor assignat regulas, ut de illa fallacia constet; Scripturam; sensum aliorum Scriptorum; concilia, quibus etiam Ecclesiæ sensus comprehenditur; & lumen naturalis rationis. Quæ regulæ partim in supradiçtis assignantur, partim etiam libro 2. de Bapt. contra Donatist. cap. 3.

4. Ejusmodi seu suspitione, seu discussione nullam fieri injuriam Sanctis Patribus, sed salvam esse quæ illis debetur honorificentiam; *Quamvis inde sequatur* (ait P. Annatus) *ipsorum doctrina improbatio.* Quod multi (Augustinum Hipponensem secuti, circa Chrysostomi & Ambro-

contra  
Baian.  
lib. 8.

Ambrosii, aliorumque refragandam authoritatem) graviores Theologi fecere, & fieri secum posse testatur sæpius Augustinus; nominatim Epistola 7. ad Marcellinum, ubi: *Epistola tue, inquit, habent questionem mihi propositam ex libris non divinis, sed meis quos scripsi de libero arbitrio. In talibus autem questionibus non multum laboro, quia etsi defendi sententia mea liquida ratione non potest, mea est, non ejus auctoris cujus sensum improbare fas non est, etiam cum eo non intellecto, hoc inde sentitur, quod improbandum est. Ego proinde fateor, me ex eorum numero esse conari, qui proficiendo scribunt, & scribendo proficiunt.*

5. proinde calumniam esse quòd, post Baianos, Præfator ausus est, ejusmodi improbationem, & dissensionem tribuere sacrilegæ temeritati, superbiæ; detractioni: contra quàm ex Augustino jus canonicum docet Distinctione 9. ubi quæ retulimus comprobantur. Quibus illud etiam addi potest ex Aug. lib. 1. de Trin. cap. 2. & 3. *Nec pigebit autem me sicubi hæsito querere, nec pudebit sicubi erro discere. Proinde quisquis hac legit, ubi pariter certus est, pergat mecum: ubi pariter hæsitat, querat mecum: ubi errorem suum agnoscit, redeat ad me: ubi meum revocet me. ubi manifestè testatur S. Doctor, nullam esse necessitatem vel absolvendi ipsius opera ab omni suspitione erroris, vel eidem tamquam irrefragabili, nulla discussione præmissa, in omnibus adharendi.*

*Irrefragabilem in doctrina debere etiam esse infallibilem.*

Ex iis quæ dicta sunt toto hoc 4. paragra-  
pho, constat nihil Præfatori causæ fuisse, cur  
Authorem Apologiæ tot scriptis & disputatio-  
nibus criminaretur, quod hic negasset B. Au-  
gustinum esse *irrefragabilis autoritatu*; hoc est,  
in sensu Jansenii (contra quem agebat) *Canonica, Evangelica, apostolica, celestis, infallibilis autoritatis*. Quod autem pugnat Præ-  
fator *irrefragabilem* pro *infallibili* autoritate  
accipiendam non fuisse. Respondemus primò,  
agenti hîc cum Jansenio, aliam acceptionem,  
futuram fuisse de subiecto non supponente.  
Secundò, Augustinum (ut patet ex dictis)  
etiam accepisse *irrefragabilem* pro *infallibili*, seu  
canonica autoritate. Tertiò, Eodem etiam  
modo dictum fuisse à Francisco Titelmanno in  
Dialectica (ubi docentur propriæ acceptiones  
vorum) nullam esse *irrefragabilem* autorita-  
tem, nisi quæ sit *infallibilis & canonica*. Quartò,  
Gabrielem Pennottum (ex ordine *Canonicor.*  
*Regular.* Abbatem S. Mariæ Pacis de Urbe,  
in Romana Curia Procuratorem Generalem,  
ac Theologum eruditissimum) in *propugnaculo*  
*humana libertatis* lib. 5. cap. 16. num 5. (quod  
opus à Sancta Generali Inquisitione approba-  
tum fuit) docere; non omnem sententiam  
Augustini facere autoritatem insolubilem, sed  
*solius*

*Consid.*  
*Dialect.*  
*L. 5. c. 34.*



*folius esse Scriptura facere auctoritatem irrefragabilem.* Quintò, Etsi in conceptu formali distinguantur auctoritas infallibilis & irrefragabilis, attamen à parte rei identificantur ; ut eadem demum in radice sit infallibilis, quæ est irrefragabilis. Declaratur magis : habet se infallibilitas ad doctrinam quæ dicitur esse infallibilis, per modum differentiæ essentialis : irrefragabilitas autem per modum proprietatis tantum, ( quemadmodum in homine rationalitas & risibilitas ) profluentis ab illa, secundum modum nostrum concipiendi. cum hæc vera sit eaussalis propositio ; ideò est irrefragabilis, quia infallibilis ; non contrà.

Si verò queratur, cur doctrina irrefragabilis, debeat in radice esse infallibilis ; hæc est ratio, ( fundatissima in B. Augustini suprà citatis testimoniis, & in observationibus 1. 2. 4. 5. ) quòd, cum omnis doctrina quæ non est infallibilis, sit errori obnoxia, & proximum sit ( ait Alphonsus à Castro suprà ) ut qui falli potest, idem sit falsus ; sequeretur tenerinos, & sæpissimè exponere errandi periculo, ejusdem conscios ; & aliquando falsam omnino doctrinam approbare. Quæ non tantum ab Augustini sententia, sed ab omni ratione aliena sunt.

## PUNCTUM V.

*Authoritatem Augustinianam magis deprimi à singulari Præfatoris explicatione, quàm à communi Theologorum, petita ex approbatione Ecclesiæ.*

Ut Præfator probet Augustinum esse irrefragabilis authoritatis, dicit habere se ad omnes Catholicos, sicuti se habent Plato, Aristoteles, aut alii magni nominis Magistri respectu suorum discipulorum. Nominatim verò usurpat, quod sive disputans dicere solitus erat Pythagoras, sive ipsi Magistro Pythagoræi tribuebant venerationis causâ, αὐτὸς ἐπα, ipse dixit.

Quæ Authoritas Magistri in Discipulos prorsus profana est, neque authoritatem B. Augustini, approbatione Ecclesiæ consecratam, in subsellium S. Sedis Apostolicæ (quod toties Præfator jactat) satis elevat.

Aliam autem Sacratiorē authoritatem B. Augustino tribuit Author Apologiæ, manantem ex Approbatione Ecclesiæ.

Porro quænam ex ejusmodi Ecclesiæ approbatione cūm S. Augustini, tum aliorum Patrum operibus authoritas accedat, accuratè Tostatus exponit, & quidquid inde roboris ejusmodi libri accipiant 5. capitibus complectitur.

Primum est, Quod Ecclesia concedit expresse omnibus Christi fidelibus, quod legant ea: atque hac perhonorifica mentione neque mediocrem, neque profanum (Magistri, aut testis alicu-

*Tostat.  
Defens.  
part. 2.  
cap. 83.*

CONTRA AUTHOR. APOLOG. Pars II. 61  
alicujus &c. ) eorum Authoribus splendorem  
impertitur.

Secundum est, *Quòd judicat illa utilia ad doctrinam fidei, & morum, & ob hoc laudat ea: qua sanctæ eruditionis commendatione lectores quodammodo pelliciuntur.*

Tertium, *Ac præcipuum est, quòd Ecclesiæ tollit opusculis approbatis suspicionem de hæresi voluntaria, quæ est verè hæresis. Nam illa opera quæ approbantur, licet non sint omnino discussa ab Ecclesiâ, sicut si deberent singula partes approbari, tamen quædam generali discussione cognoscuntur, & apparet ex eis, quomodo auctor eorum in omnibus Catholicè sentiat, nolens dogmatizare expresse & scienter aliquem errorem, &c. Et ista fuit causa potissima, quare Ecclesiâ approbavit quorundam Doctorum opera, &c. quia nimirum ea fecernere voluit à pestilentibus hæreticorum libris, quos illi spargebant.*

Quartum est, *Quòd dat eis quamdam auctoritatem, quam aliàs non habent: non eam quidem quam hæretici S. Augustino tribuunt, sed aliam inferioris notæ, in eo positam, quòd quando aliquis allegaverit dictum alicujus libri approbati per Ecclesiâ, facit probationem, etiamsi ipse Author nullam causam dicti sui ostendat. In quem sensum S. Thomas asserit: Sacram doctrinam uti auctoritatibus Doctorum Ecclesiâ, quasi argumen-*  
*tando ex propriis, sed probabiliter tantum.*

1. part.  
q. 1. ar. 8

Quintum est, *Quòd alleviat homines errantes. Nam si contingat quemquam errare circa aliquid,*

*quod pertinet ad fidem, occasione alicujus libri approbati, scilicet quia continetur in eo aliquis error, vel sequitur ex doctrina ejus, tenens illum errorem (dum tamen non pertinaciter) etiamsi sit vir doctus, excusabitur per autoritatem libri approbati, &c.* Non esset tamen ita excusabilis qui erraret sequens doctrinam libri non approbati. Ita *Tostatus.*

Hæc est autoritas longè sanctior quàm (ex Præfatoris mente) Magistri cujuscunque, quæ ex generali Ecclesiæ approbatione cùm S. Augustini, tum aliorum Patrum operibus accedit. Suprema verò illa, pro qua Jansenius ejusque sectatores pugnant, neque S. Augustino, neque alteri umquam ab Ecclesia concessa est.

#### PUNCTUM VI.

*Quàm vanis argumentis Præfator asserat B. Augustinum esse Autoritatis irrefragabilis.*

Ut Præfator doceret, Augustinum esse irrefragabilis autoritatis, sic ut ei contradicere ulla in re nemo posset, ea tum in Disputatione 26. Januarii, tum in furtivis impressis protulit argumenta, quæ vel primi anni Philosophus, esse perabsurda facilè demonstrabit. Ea breviter astringam ad formam Syllogisticam.

Primum est ejusmodi: Omnis doctrina quæ assumitur à Pontificibus aut Conciliis ad stabilienda Fidei dogmata, est irrefragabilis. Aliqua doctrina S. Augustini assumitur à Pontificibus & Conciliis ad stabilienda Fidei dogmata.

Ergo

Ergo omnis doctrina S. Augustini est irrefragabilis.

O consequentiam ! Prorsus similem huic : Omnia quæ approbantur à S. Paulo in libris Canonicis , sunt irrefragabilia.

Aliqua dicta Arati poetæ approbantur à sancto Paulo, Actorum cap. 17.

*Act. 17.*

Ergo omnia dicta poetæ Arati sunt irrefragabilia.

Vitium consequentiæ ex eo trimestris Dialecticus arguet, quòd à genere non distributo ad idem distributum nulla sit illatio.

Igitur ex antecedente Præfatoris, illud unum sequitur; quæ ex Augustini operibus Pontifices, vel iis approbantibus Concilia desumpserunt; ea esse irrefragabilia, & fidem indubiam mereri; non quòd scripta sint ab Augustino, sed quòd à Pontificibus, vel legitimis Conciliis approbata & definita. Quod explicans Cælestinus Papa, Epist. 2. ad Episcopos Galliarum, ait se jungere *Africanorum Conciliorum quasdam sententias, quas utique suas fecerunt Apostolici ANTISTITES, CVM PROBAVERVNT.* Quæ autem à Sancta Sede non assumuntur eo modo, vel definiuntur, illa non sunt irrefragabilia.

Secundum argumentum est tale : Doctrina S. Augustini laudata est & præconizata ab Ecclesia, & ab omni suspitione erroris discreta. Ergo tota doctrina S. Augustini est irrefragabilis, sic ut ei etiam in nulla sententia vel apice contrahici possit.

Sed primò, non tam Augustini doctrina quàm persona à sinistra suspitionis rumore fecernitur: afferente Cælestino; *Augustinum sancta recordationis virum, &c. numquam sinistra (saltem suspitionis rumor aspersit.*

Unde esto (quod graves Theologi controvertunt) Pontifex in quæstionibus facti; hoc est, laudandis aut vituperandis, &c. Personis errare non possit magis quàm (quod omnes concedunt) in quæstionibus fidei morumque decernendis: attamen hinc tantùm conficetur B. Augustinum numquam fuisse suspectum de errore aliquo formali; nam excidisse ipsi aliquando nonnullos errores materiales, antequam libros Retractationum scriberet, constat ex ipsismet retractationibus.

*Gerson.  
part. 2.*

*Innoc. in  
Serm. de  
S. Tho.*

Deinde S. Thomæ doctrinam universam non minus quàm B. Augustini laudarunt Summi Pontifices: Joannes XXII. dixit: *Tot miracula fecisse, quot quæstiones determinavit.* Innocentius VI: *Hujus, inquit, Doctoris doctrina præ cæteris (excepta Canonica) habet proprietatem verborum, &c. Veritatem sententiarum: ita ut numquam qui eam tenuit, inveniatur à veritatis tramite deviasse; qui eam impugnaverit, semper fuerit de veritate suspectus.* An propterea hinc sequitur totam S. Thomæ doctrinam esse irrefragabilem? Id si sequitur cur vos Scotistæ, tam faciliè in plerisque omnibus ab ea receditis?

Respondet Præfator (aut ejus nomine Juvenis

venis

venis ille Theologiæ Lector, suum & meum Magistrum non veritus Junioem & imparem appellare) doctrinam S. Thomæ esse irrefragabilem discipulis S. Thomæ, non autem Scoti aut Durandi sequacibus: doctrinam verò S. Augustini esse irrefragabilem omnibus.

At cur ad Discipulos restringitur doctrina S. Thomæ, Augustini ad omnes irrefragabiliter extenditur: cum hæc non magis à Pontificibus Universè (fortassis etiam minùs) sit laudata & approbata quàm illa S. Thomæ?

Reponit Præfator: S. Thomas confirmat suas conclusiones sententiis B. Augustini. Ergo doctrina B. Augustini est magis irrefragabilis in omnibus, vel in reliquis, quàm doctrina S. Thomæ.

Stramineum argumentum, affine huic: S. Thomas non rarò confirmat suas conclusiones autoritate Aristotelis: B. Augustinus autoritate SS. Cypriani, Chrysostomi, Ambrosii: S. Paulus autoritate Arati Poëtæ. Ergo autoritas Arati Poëtæ est irrefragabilior in omnibus, vel in reliquis, autoritate S. Pauli; & ita de autoritate Sanctorum Cypriani, Chrysostomi, Ambrosii respectu B. Augustini; ita de autoritate Aristotelis respectu S. Thomæ.

Et quidem si hoc argumentum valeret in S. Augustino respectu eorum Patrum, quorum autoritatem confirmandis suis sententiis adducit; quomodo ipse est Doctor omnium Docto-

*Vide  
Respons.  
ad Thes.  
D. Pass.*

*tum se posteriorum, imò & corrector priorum?*  
 Nam priorum Doctorum (Cypriani, Chryso-  
 stomi, Ambrosii) autoritate tamquam sua  
 ipsius irrefragabiliore (secundum Præfatorem)  
 utitur frequenter: ac subinde quasi non irre-  
 fragabiles corrigit illos, quorum autoritate  
 suas sententias firmarat.

Denique, si approbatio doctrinæ alicujus  
 Scriptoris facta à Pontifice, efficit doctrinam  
 approbatam esse veram, adeoque contradicto-  
 rium ejus esse falsum: qua veritate ergo  
 Scôtiſtæ quotidie contradicunt Doctrinæ  
 S. Thomæ, quæ approbatione Pontificia non  
 tantum colligitur esse vera, sed etiam disertè  
 dicitur, *veritatem sententiarum habere?*

## PUNCTUM VII.

*B. Augustinum non esse irrefragabilem demonstratur  
 verbis & exemplis gravissimorum  
 Authorum.*

Sumimus hîc irrefragabilem pro eo cui con-  
 tradici non potest, aut cujus autoritas ad ali-  
 cujus rei confirmationem non potest recusari,  
 in quem sensum convenire hîc cum Præfatore  
 non recusamus.

Ac ne iste magnus opinione sua vir me-  
 tantillum hominem (quo adversarios encomio  
 ornare solet) ægrè ferat ausum sibi occurrere,  
 pumilionem giganti: age magnos illi opinione  
 omnium Viros non componamus, sed opponamus,

nec



CONTRA AUTHOR. APOLOG. Pars II. 67  
*nec supponamus, sed proponamus* ( ut scita illius  
utar agnominatio ) qui salvâ Augustini maxi-  
mi Ecclesiæ Doctoris reverentiâ, ejus opinio-  
nes apertè deseruerunt.

I.

*Pontifices Augustino refragantes.*

Primas merito suo sibi vindicat Summus  
Pontifex Cælestinus I. à quo post Jansenianos,  
maximum Augustinianæ authoritatis Præfator  
momentum accersit. Ille igitur Epistola ad  
Episcopos Galliar, coercendis Pelagianorum  
reliquiis, postquam ea recensuit ex definitio-  
nibus Romanorum Pontificum Innocentii &  
Zozimi, & ex Carthaginensi Concilio, quibus  
continetur doctrina de necessitate gratiæ, sic  
concludit; *Profundiores verò difficilioreſq, partes  
occurrentium questionum, &c. sicut non audemus  
contemnere, ita non necesse habemus adstruere.*  
Quibus verbis, teste Baronio, Cælestinus *Baron.*  
*Profitetur profundiores questiones illas de Prædesti-* *An. 431.*  
*natione Sanctorum nequaquam ab Apostolica Sede  
esse definitas: quidquid de illis statuerit Augu-  
stinus; cujusmodi est de Prædestinatione ante  
prævisa merita. In quam sententiam etsi  
propendeat Augustinus, ei tamen non cōsentit  
Cælestinus, sed liberâ utramvis opinâdi partem  
relinquit. Nam contendit Baronius illas questio-  
nes tantum ab Apostolica Sede stabilitas fuisse, qua  
ad condemnationem errorum (cum quibus nullam  
habet connexionem questio illa, præcedâne*  
*Præde-*

Prædestinatio, an sequatur præscientiam meritorum) *satis posse sufficere viderentur.*

II. Innocentius III. capitulo *Majores*, de Baptismo & ejus effectu, clarè distinguit pœnam damnatorum ob solum peccatum originale à pœna damnatorum propter peccata actualia & personalia, quod isti torqueantur æterno igne, illi careant Dei visione. Atqui fuisse Augustini sententiam, quod parvuli sine baptismo morientes crucientur pœna sensus, admittunt maximi Theologi, & ab eodè recedunt. Magister sententiarum, S. Thomas, D. Bonaventura, Scotus & alii. Et quidem Joannes Viguerius, ut mox videbimus, testatur capitulum istud, *Majores*, militare apertè contra sententiam B. Augustini.

III. Adrianus VI. (apud Ruardam Tapperum, ad septimum articulum Lutheri) etsi Augustinus aliter sentire videatur, agnoscit generalem Dei bonitatem erga omnes homines, cum primùm ad usum rationis perveniunt, ut eos juvet peculiaribus auxiliis.

## II.

*Cardinales Ecclesie quibus Augustinus non habetur irrefragabilis.*

I. D. Bonaventura, etsi Augustini semper studiosissimus, tamen in nonnullis ab eo modestissimè recedit. Ut de pœna parvulorum sine baptismo decedentium 2. sentent. dist. 33. & fatetur Scotus infra citandus. Item de momentanea

mentanea mundi procreatione, in qua opinio-  
ne desciscit à B. Augustino Bonaventura, teste  
Pererio infra.

II. Cardinalis Baronius illustrissimus sen-  
suum Ecclesiæ totiusque antiquitatis perscru-  
tator, supra ostendit, ex mente Cælestini Papæ,  
liberius esse recedere ab Augustino, in quæ-  
stione de Prædestinatione, quam DD. Catho-  
lici in scholis controversam habent; salvis *in*  
*qua necessaria ad condemnationem errorum.*

III. Cardinalis Sadoletus, pietate & erudi-  
tione clarissimus referens varias de Prædesti-  
natione sententias: *Ex altera, inquit, parte, etsi*  
*ab ea stat Doctor maximus; idemq, gravissimus &*  
*sanctissimus vir* (Augustinum certò designat)  
*tamen durum admodum mihi videtur, quodq, illabi*  
*facile non queat ad sensus nostros.* Hinc duo col-  
lige, alterum (ex sapientis illius opinione)  
Prædestinationem ante prævisa merita esse Au-  
gustinianam; alterum, in ea sententia illum  
refregari B. Augustino.

IV. Cardinalis Cajetanus, in Sacrarum lit-  
terarum interpretatione, & Scholasticis diffi-  
cultatibus exercitatissimus 1. parte quæst. 70.  
art. 3. dicit, Augustinum contra Pelagianos pu-  
gnantem declinare subinde in oppositum; hoc  
est excedere lineam necessariæ veritatis.

V. Cardinalis Perronius, erectis contra hz-  
reticos Doctrinæ trophæis eminentissimus,  
docet; probabilem tantum esse B. Augustini  
sententiam, dum loquitur ut privatus Doctor,  
demon-

70 SPONGIA PRÆFATIONIS  
demonstrativam verò dum consentit cæteris  
Patribus: hoc est, minimè necessarium esse  
adhærere B. Augustino, nisi Patribus cæteris  
consentienti.

VI. Cardinalis Bellarminus (quem Cardi-  
nalis de Sourdis, ex omnium sapientum præju-  
dicio appellabat Ecclesiæ fidus, Malleum hæ-  
reticorum, Verticem Theologorum hujus  
sæculi) lib. 2. de Sacramentis in genere, cap. 15.  
& 2. seqq. ad id quod Augustinus variis locis  
docet; esse de fide quòd Circumcisio in Veteri  
lege tolleret peccatum originale ex opere ope-  
rato; respondet, neque esse de fide, sed potius  
contra communem SS. Patrum sententiam,  
ac disertè dicit, se hîc præferre Chrysostomi,  
Cyrilli & aliorum Patrum expositionem Au-  
gustinianæ.

### III.

*Alii Prasules qui interdum ab Augustini sententia  
desciscunt.*

1. Genebrardus, Aquisgranensis Archiepiscopus,  
antiquæ, si ullus, eruditionis & sacrarum lingua-  
rum peritissimus, qui Concilio Tridentino in-  
terfuit; in Epist. ad Carol. IX. præfixa operibus  
Origenis: *Augustinus*, inquit, *fuit iniquior inter-  
dum libero Arbitrio*; Sancto nimis abreptus  
ardore adversus Pelagianos, Dei gratiæ minùs  
tribuentes.

2. Claudius de Xaintes Ebroicensis Episco-  
pus, acerrimus Calvinii debellator; id ipsum  
passim

passim usurpat variis locis *Atheismorum* Calvinii & Beza: ubi inter cætera ait; *Videtur S. Augustinus dum ardet contra Pelagianos neglexisse consentientem majorum doctrinam, in Scriptura benè fundatam, &c.*

3. Cornelius Mussus Episcopus Bituntinus, qui fuit Concilii Tridentini concionator, non tantum dicta numero 4. confirmat; sed hæc etiam addit ad cap. 5. Epist. ad Rom. *Igne, inquit Augustinus, cruciantur infantes non baptizati: quid inde? Num habentes Ambrosium, Hieronymum, Scotum, Thomam, Bonaventuram, &c. uni Augustino adhærebimus, tantam & Doctorum, & Sanctorum Patrum catervam rejicientes? Absit, ut propter unius Augustini auctoritatem, à Sanctis Patribus, adde à pietate & à ratione discedam. DISPLICEREM ET IPSI AUGUSTINO, SI TOT TANTISQUE REIECTIS PATRIBUS, ILLI VNI ADHÆREREM.*

4. Ambrosius Catharinus, Archiepiscopus Compæ, vir acris ingenii atque judicii, qui Tridentino interfuit; sententiam Augustini de Prædestinatione rejicit.

5. Alphonsus Tostatus, Episcopus Abulensis, Defensorii part. 2. cap. 18. 81. 82. &c. Discedit ab Augustino, & licitum esse id facere demonstrat: neque tantum eo libro, sed alibi etiam nonnumquam, ex præjudicio, quod exprimitur Tom. 1. in Josue fol. 18. col. 3. ad marginem: *Amicus Augustinus, sed magis amica veritas Scriptura.*

6. Fer-

6. Ferdinandus Vellofillus Episcopus Lucensis, doctrinæ S. Thomæ consultissimus, suprà laudatus, in suis *Advertentiis Theol. Scholast.* frequenter significat, liberam esse facultatem recedendi subinde ab Augustino: ut in Tom. 2. B. Chrysostomi, Quæsito 13. longè à medio, cum ostendisset, B. Augustinum multis locis non retractatis; docuisse, *posse assignari causam reprobationis positivam*; subdit tamen contrariam sententiam, quæ est Magistri & (S. Thomæ, esse probabiliorem, & (juxta Dionysium) ab omnibus receptam. Item in Tom. 3. B. Augustini, Quæsito 18. circa medium: ubi cum scripsisset se adhærere S. Thomæ subdit: *Non enim S. Thomas consentit cum Gregorio Ariminensi neque cum B. Augustino, &c.* vide etiam Quæsitum 25. & in 4. Tom. quæsitum 30. ubi refragatur B. Augustini sententiis, falsæve an verè imputatis, ipse viderit.

7. Hieronymus Osorius Sylvensis Episcopus, inter eruditos Lusitanorum celeberrimus, qui etiam Tridentino interfuit: ejus vita præfixa est primo operum tomo. Hic contra Prædestinationem antecedentem, & prædefinitiones actuum humanorum disputans, fateatur se tenere sententiam Augustino contrariam, sed Patribus omnibus ab Apostolis usque ad Augustinum consonam: addit deinde; *in hac eadem sententia fuit Augustinus, ut illius scripta declarant; sed aliquando tandem à reliquis omnibus, atque à seipso discessit.* Si quid ejusmodi Author

Apolo-

Lib. 9.  
de Inst.  
init.

Apologiae scripsisset de Augustino, quid non diceret Præfator ?

8. Joannes Faber Episcopus Viennensis, vir lucubrationibus utilissimis adversus hæreticos nominatissimus, ut ipse dici possit, *Malleus hæreticorum*, quo nomine inscripsit unum ex operibus suis. Is Homilia 9. de peccato originali, negat pœna sensus abortivos plecti; *Licet Augustinus*, inquit, *ut hæreses Pelagii, Juliani & aliorum extingueret*, *EXCESSIVE locutus sit.*

## I V.

*Præcipui Doctores Scholastici interdum refragantur B. Augustino.*

Etsi Doctores, Catholici B. Augustinum ut suum Magistrum meritò venerantur, ab ejus tamen quibusdam sententiis liberè discedunt. Pauculos è multis in medium producam.

I. In quæstione celeberrima, de pœna peccato originali debita; sitne in parvulis sine baptismo morientibus, carentia visionis Dei, an etiam pœna sensûs, communis Theologorum sententia Augustinum deserit. S. Thomas, *De Malo*, quæst. 5. art. 2. ad propositam in contrarium Augustini sententiam humanissimè respondet, *Large accipiendum*, quod tum ille, tum Gregorius dicunt, de cruciatu infantium non baptizatorum. Ac deinde perspicuè significat, S. Augustinum plus aliquando dixisse quàm credi necesse sit.

F

Nec

Nec minùs humaniter, fortassis etiã clariùs, ab Augustino discedit Scotus, in 2. Distinct. 33. secutus Bonaventuram : *Ad primum*, inquit, *argumentum respondet D. Bonaventura dicens, quod Augustinus excessivè loquitur de illis pœnis.*

Joannes Viguerius in Academia Tolosana quondam Professor insignis, ex ordine S. Dominici, Augustinum sentientem parvulos sine baptismo morientes cruciari, excusat à gravi errore, tum quia pertinax in ea sententia non fuit, tum quia Decretalis, *Majores, de Baptismo*, tempore D. Augustini nondum erat edita.

Dominicus Sotus, qui interfuit Tridentino, acriùs istam Augustini sententiam perstringit lib. 1. de Nat. & grat. cap. 14. initio. Nam re-jectis iis, quæ sententiam istam Augustini benignè poterant exponere : *Et ided, subdit, non est dubium quin Augustinus misit infantes in ignem æternum . . . . . Salva tamen semper autoritate præclarissimi Augustini, compendio plures sunt, qui parvulos omni prorsus pœna sensûs liberant : in qua sententia fuit Magister sententiarum, & S. Thomas, & fermè Theologi.* Moxquæ sententiam illam, *perquàm rigidam, ac trucem vocat.*

Hinc tria collige : 1. Pontificem alterum, nempe Innocentium III. Augustino dissentire, cap. *Majores, de Baptismo, & ejus effectu*, ubi asserit infantes sine baptismo morientes puniri solâ carentiâ visionis Dei. 2. Principes duarum Scholarû Magistros refragari Augustino. 3. Proinde mirum non esse, si eorum Discipuli,  
hoc



hoc est, reliqui ferè Theologi, sententiam Augustini in hac quæstione non sequantur.

II. Quod Augustinus operosè docet lib. 4. de Genesi ad litteram, cap. 21. & sequentibus aliquot capitibus, nempe universi mundi fabricam fuisse à Deo, etiam quo ad varietates formarum; uno eodemque temporis momento extructam, neque in ea re ullam fuisse temporis successionem, sed illa dierum volumina accipienda esse pro Angelicæ cogitationis alternationibus; hoc, inquam, Augustini dogma est ejusmodi, ut Alphonsus à Castro ordinis Minorum Regularis Observantiæ, asserat, illi adeò contradici, ut nullum unquam ex sacris Scriptoribus viderit, qui Augustino in hac parte assentiat.

De Gen.  
ad litt.  
lib. 4.  
cap. 21.  
22. 32.  
33. &c.  
lib. 12.  
de Civ.  
c. 7. 9.  
30. 31.

Lib. 1.  
advers.  
heres.  
cap. 7.

Benedictus Pererius Societatis J E S U Theologus, ab ingenio, doctrina, eloquentia, & rerum omnium comprehensione memorandus, Tomo & lib. 1. in Genesim, in hunc modum de hac opinione scribit: Contrariam Augustino sententiam, equidem non modò probabilior<sup>In Genes</sup>em judico, sed etiam certa ac indubitata veritatem<sup>cap. 2.</sup>. Hac enim fuit sententia ferè omnium Patrum & Doctorum Ecclesiæ, quotquot fuerunt ante Augustinum; quin etiam complures Theologorum, doctrina Augustiniana acerrimi defensores, veluti Beda, Hugo de S. Victore, Rupertus, Magister sententiarum lib. 2. distinct. 12. & ibidem Bonaventura, aliq, permulti in hoc DESCIVERUNT AB AVGVSTINO. Ita Pererius.

Hinc constat non esse ejusmodi authoritatem B. Augustini (quamvis sit gravissima) cui aliquando non sint refragati Patres & Theologi maximi, etiam postquam ejus doctrina toties approbata fuit ab Ecclesia.

III. En duodenam luculentissimorū Theologorum, qui verbis & exemplo ostendunt, licitum esse in Scholis eruditorum, recedere ab Augustino, ratione exigente.

1. Arragon ordinis Eremit. S. Augustini, Theologiæ in Salmanticensi Academia Professor, in 2. 2.<sup>æ</sup> quæst. 64. art. 7. non magno perè laborat de B. Augustini sententia circa licitam necem inuasoris bonorum temporalium; ab illo enim paratum se ostendit recedere: quod etiam facit, sine necessitate, Quæst. 10. art. 4. §. *Sed contra*.

2. Arboreus Doctor Sorbonicus, in Epist. ad Roman. cap. 5. interpretationem B. Augustini, ex libro de Spir. & litt. cap. 10. dicit non esse ullo modo sequendam.

3. Bañez, ordinis Prædicat. part. 1. quæst. 23. art. 5. dicit de sententia B. Augustini, *hac sententia non est probabilis*. Imò fatetur rationem Augustini sumptam ex illis verbis: *Jacob dilexi, Esau autem odio habui*, neque solidam esse, & Augustinum in modo arguendi deceptum fuisse.

4. Bononia qui Tridentino interfuit, libro de æterna Dei Prædestinatione, docet sententiam illam de Prædestinatione quam  
Schola

Scholastici mitiorem censent, & Augustino contrariam.

5. Cumel deserit sententiam Augustini docentis, peccatum originale esse causam reprobationis. 1. part. quæst. 23. Disp. 4.

6. Driedo Profess. Lovaniensis, & carissimus Adriano VI. libro de captivit. cap. 2. tract. 4. part. 8. conscius Augustinum aliud docere; aliud ipse docet circa peculiaria auxilia gratiæ. Et lib. 1. de Gratia & liber. arbit. cap. 2. tractans Augustini sententiam de cruciatu parvulorum; faretur probationes B. Augustini petitas ex Scripturis, esse inefficaces.

7. Estius in 1. Sentent. dist. 14. §. 14. significat licitum esse recedere ab Augustino in ea doctrina, *quæ apud alios Patres, ipsumq; S. Thomam, in hujusmodi rebus exactissimum Doctorem, expressius reperitur.* Item alibi cum retulisset Augustini sententiam; qua negat Sanctos quosdam in utero materno gratiam sanctificationis consecutos, illam apertè rejicit, etsi fateatur ab Augustino manifestissimè traditam; præfertque oppositam sententiam, quæ est SS. Ambrosii & Bernardi.

8. Medina Barthol. Dominicanus, Primariæ apud Salmanticenses Cathedræ Præfectus, 1. 2. Quæst. 109. art. 2. sub finem: *Sine dubio, inquit, sententia est Augustini, quodd homo in pura natura, habet naturalem virtutem operandi, quam non habet in lapsa. Non placet tamen Doctoribus.*

9. Pennottus, probatissimus Theologus, ex ordine Canonico. Regul. S. Augustini, lib. 5. propugn. cap. 6. *Monuimus*, inquit, *non omnes sententias Augustini facere argumentum firmum & irresfragabile ad aliquam veritatem Catholicam comprobendam.*

10. Pighius, contra Calvinum, ostendit frequentissimè, licitum esse Theologis, Augustini sententiam interdum deferere. Vide de liber. arbitr. libro 2. cap. 2. cap. 3. & lib. 3. Et lib. de Prædest. ac Reprobatione, ait: *Hujus te lector monere volui, ut scires AVGVSTINI NOS NON LATERE, SED NON PROBARE SENTENTIAM.* Et lib. 8. ubi de Jacob & Esau: *ut intelligeremus*, inquit, *sub hoc judice (agit de Augustino) LIBEROS ESSE AVGVSTINI DISCIPVLOS, NULLA SEQVENDI MAGISTRI NECESSITATE COACTOS.*

11. Sotus de Justitia lib. 5. art. 8. ad objectionem petitam ex Augustini lib. 1. de libero arbit. de non occidendo invasore bonorum temporalium, respondet: *aut fuit Augustini sententia; aut locutus est uti Philosophus moralis*: idè contrariam sententiam docet. Et lib. 1. de Nat. & grat. cap. 14. initio: *Augustinus*, ait, *plus justo videtur torquere parvulos.* Quare manifestè ab eo discedit.

12. Tapperus Lovanienfis Academix Cancellarius. & Professor Scripturæ sacræ, ad Articulu[m] 7. Lutheri, dicit: *Piè credendum esse & valdè probabile, quod cuilibet adulto, &c. communicatur*

*nicatur sufficiens adiutorium, &c. quò possit ad Deum converti. Et pro hac opinione videtur esse definitio, inquit, Concilii generalis, de summa Trinit. cap. firmiter. Multa etiam pro ea adducit Sanctissimus Dominus Adrianus sextus. Et eam sententiam cum amplectatur Tapperus; fatetur tamen aliam opinionem magis esse consentaneam Augustino, &c.*

*In 1. qu. de Pæn. lib. 4. sent.*

Quæ omnia manifestò demonstrant, neque verum esse, neque ex communi Theologorum sensu petitum, quod ex doctrina Præfatoris passim quidam jactitant in vulgus, nefas esse Augustini opinionibus ulla ratione refragari.

### Prosequitur Præfator.

§. 3.

„ Nec solùm abutitur *Augustino*, contra *August.* sed  
 „ etiam à pag. 157. ad 162. ipsis Epistolis Concilii  
 „ *Carthag. & Milevit.* imò & *Celestini* Papæ, quibus  
 „ authoritas *S. August.* in subsellium Sedis Apostolicæ  
 „ elevatur: ad eam aliis Patribus & Doctõribus æqua-  
 „ liter comparandam, Cùm tamen censeat illas fuisse à  
 „ *S. Aug.* scriptas, & ab *Innoc. I.* confirmatas: sed ne-  
 „ sciat totas esse Doctrinæ *August.* nec *Aug.* fuisse so-  
 „ lum earum scribam, sed authorem saltem potio-  
 „ rem: Ex hac autem referat vel supprimat hæc *Aug.* præco-  
 „ nia: Ut Cap. 1. *Augustinum sancta recordationis*  
 „ *virum &c. nunquam sinistra saltem suspicionis ru-*  
 „ *mor aspersit?* Contra illa errorum figmenta. Cap. 2.  
 „ *Nonnulli qui Catholico nomine gloriantur, &c.*  
 „ *Magistris nostris; tanquam necessarium modum ex-*  
 „ *cesserint, obloquuntur.* Cui potius quàm *August.*  
 „ quem *Magistri* sui nomine dignatur? Subdit usque

F iv

ad

„ ad cap. II. *Africanorum Conciliorum sententias quas*  
 „ *utique, suas fecerunt Apostolici Antistites. Quæ sunt*  
 „ *ipsius Aug. resumptæ in Canones Conc, Araus. 2.*  
 „ *imò & ipsius Trid.*

## RESPONSIO.

**N**Ecesse est Præfatore, dum ista scriberet, aliò distractum fuisse : ita enim aliena à proposito loquitur, & quæ laudi dare debuerat, ad criminandum abutitur. Te hîc, si umquam aliàs, lector optime, arbitrum posco : mera quæstio facti est, repetenda ex Apologiæ pag. 157. usque ad 162. item 148.

## PUNCTUM I.

*Calumniam esse, quod obijcitur de abusu Epistola Concilii Carthaginensis.*

Asserturus Author Apologiæ Sedi Apostolicæ infallibilitatem, præ Augustino, dixit : *S. Augustinum, tantum suæ mediocritati semper diffisum fuisse, quantum Pontificia authoritatis infallibilitati confisum.*

Isti præconio modestiæ, & veritatis Augustinianæ confirmando, duo accersita sunt testimonia : primum ex Epistola 99. Augustini ; qua Patres Concilii Carthaginensis, ait Author Apologiæ, ab Innocentio Papa I. petunt (scribente Augustino) ut quæ ipsi contra Pelagium & Celestium, de materia gratiæ statuerant PRO SUA MEDIOCRITATE, Summus fidelium Pastor Innocentius ETIAM APOSTOLICÆ SEDIS ADHIBITA AVTHORITATE CONFIRMET.

Alterum

Alterum petitum est ex ejusdem Epist. 92. ubi Augustinus & ceteri Episcopi in Milevitano Concilio congregati, item ab Innocentio I. Pontifice Rom. censuram, & definitionem expetunt circa adiutorium gratia, contra interpretationes Pelagii & Celestii.

Potest ne hic aliquid inveniri criminationis à viro Catholico & Augustinianæ mentis conscio? Omnino criminatur Præfator, primum: quòd istas Epistolas Conciliorum Carthagenensis, & Milevitani censeat Author Apologiæ fuisse ab Augustino scriptas, & ab Innocentio I. confirmatas; Nesciat tamen totas esse Doctrinæ Augustini: nec Augustinum fuisse solum earum scribam, sed authorem saltem potio-  
*Præfator sup.*  
 rem. Præstaret sanè Præfator vernaculè legeret & scriberet: quis enim latinè intelligens nescit, apud Autores primæ classis, scribere, simpliciter; vel *versus*, *Orationem*, *Epistolam scribere*, idem esse atque componere? Debuerat saltem istum loquendi modum hausisse ex Augustino, sive libro *De bono perseverant.* c. 21. ubi ait: *Profici-  
 cienter me existimo, Deo miserante, scripsisse*; sive ex Epistola 110. in qua Augustinus non aliter exprimit se composuisse binas istas Synodales Epistolas, quàm quomodo tradit Author Apologiæ: *Curam Scripturarum*, ait Aug., *mihi fratres & patres mei Cœpiscopi duobus Conciliis Numidia & Carthagine imponere dignati sunt.*

Id non nesciebat Author Apologiæ, & sciebat Acta istorum Conciliorum, ex Cardi-

nalis Baronii Tom. 6. ad Annum Christi 416.

Denique meminerat se pag. 148. ita expref-  
 fiffe, ut Augustinus *fuo aliorumq, Episcoporum*  
*Apolog. ( duobus in Conciliis ) nomine* ad Innocentium I.  
*pag. 148* feripfiffet Epift. 90. & 92.. Maneat igitur Au-  
 thorem Apolog. nulla ratione abufum effe  
*Baron. Tom. 5. an. 416.* Augustino contra Augustinum, neque Episto-  
 lis Conciliorum Carthaginenfis, aut Milevi-  
 tani ( eodem anno celebratorum ) quas afferuit  
 fcriptas fuiſſe ab Augustino, ipſius & aliorum  
 Coepiſcoporum nomine.

## PUNCTUM II.

*An injurium fit Auguftino, ipſum, cum aliis*  
*SS. Patribus, Chriſti Vicario ſupponere.*

Offenſionis anſam arripuit Præfator ex  
*Apolog. 157.* iſtis Authoris Apolog. verbis : ET VERO omnis  
*authoritas qua tribuitur D. Auguſtino ( eadem eſt*  
*ratio aliorum Sanctorum Patrum ) etiam in materia*  
*gratie ( additum id ob Janſeniſtas ) à ſola manat*  
*approbatione Romanorum Pontificum.*

Eſſi minus æquum eſſe Pontificiæ authoritati  
 Præfatorem, conſtaret pridem vel ex cenſura  
 Univerſitatis Duacenæ, qua notatur, *Reus*  
*violati Juris Pontificii* propè in omnibus 12. §.  
 & difficultatibus ( quæ aliàs fortaiſſis edentur  
 ex voto multorum ) hîc tamen iterum ſorex  
 ſe prodit.

- Nam ægrè fert Auguſtinum ( quem cenſu-  
 rata à DD. Duacenis appellatione, *Aſſeſſorem*  
*Eccleſiæ* nominarat ) ſuam à Romanis Ponti-  
 ficibus



ficibus auctoritatem, uti reliquos SS. Patres, accipere; quam tamen habere aliunde non potest, nisi merè communem.

Dicet Præfator: comparari aliis Patribus non potuit. R. At debuit, quando agebatur de eminentiore gradu capitis Ecclesiæ supra reliqua indiscriminatim membra.

Si quid autem eâ comparatione peccatum est; irrogetur sacris Conciliis. Primum, Synodus quinta Constantinopolitana collatione 3. eodem in gradu constituit sive Personam, sive scripta SS. PP. Athanasii, Hilarii, Basilii, utriusque Gregorii, Ambrosii, & quorundam aliorum; quo in gradu constituit ipsius Augustini.

Deinde, Concilium Romanum primum sub Gelasio, ea ratione gradus auctoritatis assignat Sanctis Patribus & Ecclesiæ Doctoribus, ut à B. Cypriano nonus numeretur Augustinus.

Nullus igitur abusus est Ecclesiæ sensus adversus Augustinum, cum de ipso id pronuntietur, quod cum reliquis Sanctis Patribus commune habet, ex definitione Conciliorum.

### PUNCTUM III.

*Ex Epistola Cælestini Papa nihil relatum vel suppressum, quod aliorum quam in B. Augustini laudem trahi debeat.*

#### I.

*Encomium Cælestini Papa de B. Augustino.*

Ex Epistola 2. Cælestini ad Episcopos Galliarum, Præfator primum queritur, Authorem Apolo-

Apologiæ, *referre vel suppressere, hac Augustini præconia; Augustinum sanctæ recordationis virum, &c. numquam sinistra suspitionis rumor aspersit.*

Apolog.

pag. 159.

Atqui nihil istius Elogii de B. Augustino suppressum est, sed descriptum integrè in Apologia. Neque verò timendum est, ne rumor aliquis sinistra suspitionis, ob levia humani cordis figmenta ( numquam *figmenta errorum* nominata ) ex fallaci cordis humani iudicio, Augustinum aspergat magis, quàm B. Hilarium Pictaviensem Episcopum : cujus etiamnum *libros* ( teste ad Lætam Hieronymo ) *quilibet inoffenso decurrat pede; vel alios SS. Patrum.* In quibus clarissimis Ecclesiæ solibus; suæ etiam figmentorum maculæ deprehenduntur; rebus deinceps melius ab Ecclesia discussis. Attamen secura semper manet, manebitque æternum istorum fama ab omni sinistra suspitionis rumore: quòd nimirum sequiùs aliquid interdum senserint, ( uti ex Tostato, Cano, Horantio supra ostendimus ) controversiis necdum Pontificia authoritate diremptis. nam numquam suspitione ejusmodi sunt perstricti, quæ ab Apostolicæ Sedis communione eos divellere potuerit.

Idem Elogium quinta Synodus nec minùs disertè, aliis compluribus tribuit, quibus tantum tribui authoritatis queritur Præfator.

Nam SS. Patribus Ecclesiæ DD. commemoratis; scilicet Athanasio, Hilario, Basilio, Gregorio utroque, Ambrosio, Theophilo, Chryso-

Chrysoftomo, Cyrillo, Augustino, Proculo, & Leone; addit: *Suscipimus & alios SS. Patres, qui in Sancta Dei Ecclesia rectam fidem IRREPREENSIBILITER, usque ad finem vite suae pradicaverunt*; id est, qui semper in Ecclesiae communione fuerunt, & quos numquam sinistrae suspicionis rumor aspersit. Neque tamen illud Elogium impedit, quominus in multorum libris nonnulla reperiantur, quae jure postea reprehensa sunt & improbata: nam id unum significat, eos dum viverent, numquam ab Ecclesiae communione descivisse, aut in haereticis venisse suspicionem.

## II.

*Quò spectet Caëstini querela.*

Deinde objicit querentem Caëstinum de Catholicis quibusdam, Magistro suo (B. Augustino) obloquentibus. Fateor equidem B. Augustinum ex Magistris optimis à Caëstino Papa meritò censerì: verum nego ista Caëstini verba aut quidquam facere ad propositum (ut proinde omitti in Apologia debuerint) aut si ad rem faciunt, nego iis peti Authorem Apologiae, sed potiùs Praefatorem.

Et quidem aliena esse à proposito, ex duobus constat: Primò, Ex fine propter quem Caëstinus istam scripsit Epistolam secundam ad Episcopos Galliae. Qua de re ita ex Baronio (mentis Pontificiae optimo interprete) compendio tradit author clarissimus Gabriel

Baron.  
Tom. 5.  
an. 430.

Pennot.

*Propug.  
hum.  
libert.  
Lsc. 15.*

Pennottus : Cælestinum ista Epistola nihil jubere, quàm ut nonnullis Massiliensibus contra Augustinum, & ejus doctrinam, adversus Pelagianos & Semi-pelagianos, de gratuita Dei prædestinatione, publicè obmurmurantibus, per ipsos Episcopos perpetuum imponatur silentium.

Atqui nihil contentionis habet Author Apologiæ adversus sententias B. Augustini ( Doctoris ex vero maximi ) de gratuita Dei prædestinatione.

Secundò, adhuc manifestiùs patet ex citatis Conciliorum sententiis, quarum titulos & summam videre uno oculi jactu poterit eruditus lector, ex antiquis codicibus, compendio tradita apud Sirmundum, Tomo I. Conciliorum Galliar. Anno 431. pag. 60.

Verbo expediam : ibi Pontifex breviter tradit, quid fide certa tenendum sit, circa gratiæ Dei controversias. Quibus intelligendis Apologiæ Appendix part. 2. §. 5. medio, non parùm lucis conferet.

Jam verò, si Pontificia censura carpit eos, qui B. Augustino obloquuntur, *tanquam necessarium modum ipse excesserit*; ( quando lubet Præfatori à mente Pontificis abludere ) aïo, Præfactorem hîc teneri : quòd B. Augustinus dicatur ab ipso necessarium modum veritatis excessisse; quando scripsit, se sentire quàm multa fragmenta pareret cor suum, utpote humanum. Item cùm in extremo operum, *De bono persever.* cap.

*Lib. 4.  
de Trin.  
in Præf.*

cap. 21. asserit, se neque à perfectione cœpisse de bono scribere, neque in extrema jam aetate, sine errorē perscrutare scribere; cujus si contrarium diceret, factetur B. Augustinus, se arrogantius, quàm verius locuturum. Ut jam Præfator obloquentoribus B. Augustini annumerandus videatur.

## III.

*De Africanorum Conciliorum sententiis desumptis ex Augustino.*

Primum; Undenam suam infallibilitatem habeant Africanorum Conciliorum sententiæ, desumptæ ex B. Augustini operibus, edisserat ipse Cælestinus: *Neceffarium igitur fuit diligenter inquirere, quid Rectores Romana Ecclesia, de hæresi, quæ eorum temporibus exorta fuerat, judicaverint, & quid de gratia Dei sentiendum esse censuerint: ita ut Africanorum Conciliorum quasdam sententias jungeremus, quas utique suas fecerunt Apostolici Antistites, CUM PROBARUNT.*

*Cælestin  
Ep. 2. ad  
Episcop.  
Gallia.*

Hinc nimirum manat quæcumque vel Conciliis, vel Patribus tribuitur infallibilis auctoritas: quod ipsum (uti debuit) significare non omisit Author Apologiæ, pag. 161.

De profundioribus denique quæstionibus B. Augustini, non alium Cælestini Papæ sensum fuisse quàm Authoris Apologiæ, suprà ostendimus ex Cardinale Baronio, explicante ibi mentem Pontificiam.

Prose-

## Prosequitur Præfator.

## §. 6.

„ Qua denique conscientia famæ antiquissimæ &  
 „ celeberrimæ *B. Aug.* tam liberè detrahitur: contra  
 „ tot Sedis Apost. publica præconia, hac occasione  
 „ exigente dissimulata? Cum plurimum intersit Ec-  
 „ clesiæ, ut cujus doctrina apud adversarios est in con-  
 „ fesso, tota apud nos sit in professo: ne qua exce-  
 „ ptione totam enervemus.

## RESPONSIO.

## PUNCTUM I.

*Utrum author apologiæ detraxerit famam  
 B. Augustini.*

**S**I removeantur quæ Præfator per calum-  
 niam imponit Authori Apologiæ; nihil in  
 hæc invenietur, quod antiquissimam & cele-  
 berrimam *B. Augustini*, maximi Ecclesiæ Do-  
 ctoris famam, veramque Authoritatem, &  
 meritam laudem, vel tantillum (ne per speciem  
 quidem) imminutum eat.

Istius flagitii Reum si lector optimus Au-  
 thorem Apologiæ hætenus deprehendit; pro-  
 testatur ipse nullam se pœnam deprecari velle.

Sin autem *B. Augustino* injurius ex eo pro-  
 nuntiatur, quod asseruerit; eum numquam vo-  
 luisse suam authoritatem æquare, nedum præ-  
 ferre Pontificis authoritati: sensisse figmentis  
 humani cordis se obnoxium, si quando Sedis  
 Apostolicæ careret oraculis: quam lectoribus  
 suis

suis ipse permisit libertatem censuræ ferendæ, eam non potuisse denegare Christi Vicario Pontifici Romano : Neque B. Augustini, neque alterius Sanctorum Patrum scripta esse irrefragabilis seu infallibilis authoritatis ; nisi quatenus Sedis Apostolicæ authoritate nomination confirmantur : Augustinum in Carthaginensi & Milevitano Conciliis, cæterosque Patres recurrisse ad Romani Pontificis authoritatem pro approbatione suæ doctrinæ de Gratia Dei : Denique Doctrinam B. Augustini de Gratia , in iis tantum receptam Articulis ab Ecclesia, quibus Pelagianorum errores confutavit.

Hæc, inquam, si injuriola sunt famæ B. Augustini, si gravioris detractionis noxam continent ; nec culpæ istius, nec poenæ debitæ veniam flagitat Author Apologiæ : fatetur eam ratione , & non aliter , abs se detractum Sanctissimi Doctoris famæ celeberrimæ ; ut patet ex Apologiæ Appendice, parte 2. §. 3. 4. 5.

Et quidem eò se adductum prædicat ipsius persuasione Augustini, ita de se ex vera humilitate sentientis ; certa præfinitione Cælestini Papæ, in astruenda B. Augustini doctrina ; unanimi Doctorum Catholicorum consensione : ut videre est locis suprà citatis ex Alphonso à Castro , Gabriele Pennotto, Francisco Horantio , & Melchioro Cano Episcopo Canariensi, cujus hæc est indubitata sententia, *De locis Theologicis* lib. 7. cap. 3. nu. 7.

*Canus  
de locis  
Theol.  
L. v. c. 3.  
num. 7.*

ante medium: *Auctores canonici, ut superni, celestes, divini, perpetuam, stabilemque, constantiam servant. Reliqui verò Scriptores sancti inferiores & humani sunt, deficiuntque, interdum, ac MONSTRVM QVANDOQVE PARIVNT, præter convenientem ordinem, institutumque, naturæ.* Ut propterea sibi à noxæ suspitione timere non debuerit R. P. Mantelius; quòd in suo de Venerabili Eucharistia libro scripserit, post viros magnos, olim in Ecclesia Africana invaluisse istam opinionem & consuetudinem dandi Eucharistiam parvulis (cùm per ætatem sumere poterant) infantibus, tanquam necessariam ad salutem, eamque fuisse sententiam Augustini, quibusdam in locis: sin autem se honorificè appellatum dolet in prima Spongiæ hujus parte; per me licet, ejus ibi nomen supprimatur, à quo nihil momenti habere potest ista multorum opinio, ut sibi persuadeat Author Apologiæ, eam reverà fuisse mentem B. Augustini, quam ab eo removit in sua Apologia, pag. 149.

Cum igitur nihil nisi in commendationem modestiæ B. Augustini & debiti subjectionis adversus S. Sedem, dictum fuerit in Apologia; necesse est, meram esse calumniam, quod Præfator scripsit & sparsit in vulgus, nempe Authorem Apologiæ detraxisse de fama B. Augustini.



## PUNCTUM II.

*Cur in Apologia non sint posita præconia omnia  
quæ S. Sedes tribuit B. Augustino.*

Sed enim *disimulata sunt tot Sedis Apostolica  
præconia; præsertim eadem illa hac occasione exi-  
gente.*

Quasi verò extra chorum non saltet qui- *Vide P.*  
cumque B. Augustini authoritatem ( qua hæ- *Stepha-*  
retici omnibus post Augustinum sæculis con- *nus des*  
tra S. Sedem abusi sunt ) præconiis ferat in *Champs*  
cælum, quando sive contra Calvinum, sive *de Hæres.*  
contra Jansenium pugnat, neque Augustinum *Jansen.*  
neque ullum è Sanctis Patribus esse infallibilis *l. 3. disp.*  
authoritatis; neque fas esse provocare ab Apo- *1. cap. 1.*  
stolica Constitutione, ad Augustini authorita-  
tem: quod Baianorum effugium ut præclu-  
deret Author Apologiæ, coactus fuit ( post  
alia argumenta ) etiam isto uti, quòd Augusti-  
nus non esset infallibilis authoritatis.

Nam, ut rectè Melch. Canus suprà, cum San- *de loc.*  
ctorum quisque, his dumtaxat exceptis, qui libros *Theol.*  
canonicos ediderunt, spiritu fuerit humano locutus, *l. 7. c. 3.*  
& aliquando vel in eo errarit, quod ad fidem spe- *num. 7.*  
ctare postea demonstratum est, aperte constat ex  
ejusmodi authoritate exploratam fidem fieri non  
posse.

Quid? quòd illud B. Augustini Elogium,  
à Cælestino Papa datum ( de quo suppresso  
queritur Præfator ) totum integrè recitatum  
sit in Apologia, pag. 159. Adeò omnia, quæ  
Præfator criminatus est, vel vana vel falsa sunt.

*An sit necesse omnem omnino doctrinam B. Augustini  
ut certam admittere.*

Constat ex dictis hactenus, non esse istam opinionem sapientissimorum Ecclesiæ Antistitum, & Doctorum Theologorum.

Et verò (contra quod jactat Præfator) nihil admodum Ecclesiæ interest (obesse etiam forsitan potest) an illa alicujus è SS. Patribus doctrina, quam ipsa nominatim & particulatim non approbavit, tota apud obedientes filios sit in professo, quæ apud adversarios, (câ-ferè abutentes adversus Ecclesiam) est in confesso: si qui tamen esse possint hæretici, qui totam Augustini doctrinam (à qua Præfator omnem omnino errorem removeret) habeant in confesso.

Quod verò timet, ne qua exceptione doctrinæ D. Augustini, reliquam enervemus, est panicus timor: quem foras misere maximi hæresum debellatores, Cardinalis Hosius, Concilii Tridentini Præses, Cardinalis Bellarminus, Cardin. Perronius, Claudius Sanctesius, Franciscus Horantius, Nicolaus Romæus in effigie Calvinii, Maldonatus, Albertus Pighius, aliique veritatis amantiorez suprà citati.

Imò foras mittere debuit etiam Præfator, si sui memor fuit; cum in hac Præfatione sua, & Tomo 2. Anatomix eò adducit mentem regulæ juris: *Exceptio paucorum firmat regulam reliquorum, si vè, est reliquorum omnium confirmatio.*

Foras

Tom. 2.  
Anat.  
in ind.  
retract.

Foras misit ipsemet Augustinus, nec sibi neque ulli sacrorum Scriptorum (exceptis Canonicis) tantum permittens tribui authoritatis, ut nihil novi in eorum Scriptis inesse cederet. Videatur Epist. 19. lib. de Natur. & grat. cap. 61. lib. 2. contra Crescon. cap. 32. Epist. 48. Lib. 11. contra Faustum cap. 5. De bono perseverant. cap. 21.

Discamus omnes à maximo Doctorum Augustino, quo loco ejus & aliorum Patrum authoritatem habere debeamus: Neque enim, *S. Aug. Epist. 122* ait, quorumlibet disputationes, quantumvis Catholicorum, & laudatorum hominum, velat Scripturas Canonicas habere debemus, ut nobis non liceat, salvâ honorificentia, qua illis debetur hominibus, aliquid in eorum Scriptis improbare, atque respicere, si forte invenerimus, quod aliter senserint, quam veritas habet, divino adjutorio vel ab aliis intellecta, vel à nobis. TALIS EGO SUM IN SCRIPTIS ALIORUM; TALES VOLO ESSE INTELLECTORES MEORUM. Ita B. Augustinus.

Ad cujus mentem uter candidius locutus sit, Præfatórne, an Author Apologiæ; tui (Lector optime) arbitrii esto sententiam ferre. Interim ego hîc fide optima testor, me (uti etiam Authorem Apologiæ) hanc scriptiunculam apologeticam nequaquam deprimendi Augustini Summi Ecclesiæ Doctoris causa suscepisse; sed ut eum, aliosque omnes Sanctæ Romanæ Ecclesiæ filios ad debitam Apostolicæ Sedi submissionem provocarem.

**SVMMA OMNIVM DICTORVM,**  
 qua unico Spongiæ inductu elutæ  
 omnes criminationum maculæ,  
 Præfatoris in caput refluunt.

*Qui imperitia, ignorantia, negligentia & gravissimi peccati accusat scriptorem eum, qui nihil docuit, quod non ante illum probatissimi, sapientissimi, ac sanctissimi Scriptores docuerunt; is vel imperitus, ignorans, negligens; vel parùm Christianus accusator est.*

*Atqui sic Præfator accusat Authorem Apologia: Ergo Præfator vel imperitus, ignorans, negligens; vel parùm Christianus accusator est.*

*Major videtur clara in terminis: Probatur nihilominus dilemmate. vel enim qui istorum criminum accusat; ignorat non esse imperitia, ignorantia, negligentia, detractionis crimen, sequi & docere sententiam, quam probatissimi, sapientissimi, sanctissimi Scriptores docent; vel non ignorat. Si ignorat; imperitus, ignorans, negligens est, qui ignoret non esse crimen sed laudandum potius sequi & docere sententiam, quam antè probatissimi, sapientissimi, sanctissimi Scriptores docendo hoc ipso probabilem fecerunt. Hoc enim nemo nisi imperitus ac negligens Theologus ignorat. Si verò non ignorat; & tamen graviter expostulando accusat id quod crimen non esse non ignorat; An satis Christianus accusator dici potest?*

Minor

Minor duas habet partes: prima est, Prasatorem accusare ignorantia, imperitia, negligentia & gravissima detractionis Authorem Apologia. Altera, hunc nihil docuisse quod non ante illum docuerūt probatissimi, sapientissimi, sanctissimi Scriptores. Primam partem probat cum ipsa Prasatio quam hic digessi per paragraphos, tū impressa & scripta non una ex ejus commissione, à quodam ejus Religioso, quem olim itidem ut me (quod doleo) sub ipso Apologia Auctore discipulum fuisse aiunt, invidiosè jactata & ejus farina accusationum plena.

Secundum probavit hac Spongia. quam non piguit Prasatoris navis maculare, ut ea re mei olim optimi praeceptoris innocentia hoc qualicumque vel pietatis vel gratitudinis officio serviret. Certius eam posthac mundam servare. Si perget Prasator, sicut cepit, innocentes male aspergendo seipsum magis conspurcare, quarat qui sordes ejus eluat; mihi, pro Praeceptoris mei fama, hac dixisse satis est,

AD MAJOREM DEI,  
ET DOCTRINÆ S. SEDIS APOSTOLICÆ  
& secundum illam S. AUGUSTINI,  
Doctoris maximi,  
GLORIAM ET HONOREM.

